

0 10 20 30 40 50 60 70 80 90 100 110 120 130 140 150 160 170

22-65-12
4432-066
=30



Kodak Color Control Patches

3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32

蘇州府志卷第九十七

人物志目錄

文苑二

五代

吳仁璧

皮光業

蔣詒恭

宋

劉少逸

許洞 父仲榮

謝絳 子景初

景平

景臣

吳感 子純

陸徽之

祖景

孫端成

陸綰

李育

陳睦 兄伺 子彥文 彥武

張僅 顧棠

李璋 孫益

魏憲 弟志 志四世孫汝賢

陳起宗

嚴煥

孫緯

林璞 弟炎

周甫

張橋

方惟深

顧襄 子維 子

黃策 子維 策弟簡 纓子季

范周

王誼

王伯廣

趙礪老

張攀

周南 子深原

龔頤正

姚原

張慶之

凌萬頃

元

俞元燮

湯彌昌 父暉志

浦源

衛培 李季高

徐雷龍

湯仲友

張雯 子田

高常 顧建 陳瀧 瀧子 鐸 陳發 發子永

朱德潤

宋无 父國珍

蔣堂

陸友

盧觀 祖鑑 父有常

文質

蘇州府志

卷九

人物

目錄

二

顧權 父達卿

全至善

姚文奐

黃錫孫 子進德 明德 修德

朱桓

時太初

顧德輝

盛興

蘇州府志卷九十七

人物

文苑二

五代



吳仁璧字廷寶長洲人大順中及第喜屬文精星學及黃白術
 初學於廬山道士數年其師曰能學仙乎仁璧固陳求名之
 志道士曰一第猶拾芥耳但他年從宦勿干英雄仁璧既成
 召錢武肅王鏐待以客禮訪以天文固辭非所知欲辟幕職
 又以詩辭及秦國夫人薨武肅具禮幣請為誌又不從遂為
 錢氏所害 盧志云沈之 其女亦善星學仁璧被繫女仰
 瞻而泣曰文星失位大人其不免乎 吳郡志引吳
史遺事

皮光業字文通父曰休為蘇州從事光業生於蘇十歲能屬文
錢鏐辟以為屬吳越國建以為相教令儀注多其所定美容

儀喜談論若神仙中人吳越備史 盧云會祖曰休依錢氏官太

子良墓誌云曾祖曰休府判官三世皆以文雄江東

蔣詒恭吳人流落入蜀性耿直有逸才每一吟咏率多諷刺時

蜀主季年臣僚多尚權勢侈敖無節因為詩以諷蜀主曰敢

言之士也特授名山令又善蒞事賜銀緋姑蘇志

宋

劉少逸長洲人年十一文辭精敏有老成體其師潘闓攜以見

長洲令王禹偁吳縣令羅處約以所作贄二令二令名重當

時疑其假手未之信因試與之聯句略不淹思處約曰無風

燈燄直少逸曰有月竹陰寒禹偁曰一回酒渴思吞海少逸

曰幾度詩狂欲上天凡數十聯皆敏妙二公驚異聞於朝賜

進士及第官止尚書員外郎吳郡志引 續歸田錄

許洞字洞天吳縣人父仲榮太子洗馬致仕洞性疎雋幼習弓

矢擊刺之技及長折節厲學尤精左氏傳咸平三年進士釋

褐雄武軍節度推官嘗詣府白事有卒踞坐不起即杖之又

移書責知州馬知節知節怒其不遜會同甌州公餞奏除名

歸吳中數年日以酣飲為事中吳紀聞洞所居惟植一竹以 表持之操吳人至今稱之曰

許洞門前一竿竹景德二年獻所撰虎鈔經應洞識韜畧運籌決勝

科以負譴報罷就除均州參軍大中祥符四年祀汾陰獻三
盛禮賦召試中書改烏江主簿卒年四十二有集一百卷春

秋釋幽五卷演元十卷

宋史

謝絳字希聲濤子以父任試秘書省校書郎舉進士中甲科知
汝陰縣善議論喜說時事嘗論四民失業累數千言楊億薦
絳文章召試擢秘閣校理同判太常禮院仁宗卽位遷太常
博士尋出通判常州天聖中天下水旱蝗起河決滑州絳上
疏願下詔引咎罷不急之役省無名之斂勿崇私恩更進直
道仁宗嘉納之會修國史以絳爲編修官史成遷祠部員外
郎直集賢院時濤官西京且老矣因請便養通判河南府絳

雖在外猶數論事還權開封府推官言蝗亘田野空入鄆郭
願博訪禮官除煩苛損聚斂勿起大獄勿用躁人會郭皇后
廢絳陳詩白華引申后褒姒事以諷辭甚切至徙三司度支
判官再遷兵部員外郎言邇來用物滋侈賜予過制宜裁節
初詔罷織密花透背禁勿復用旣而賜內人衣復取於有司
又後苑作器索龜筒龜筒禁物民間不得有而索之不已絳
皆論罷之又請罷內降詔令皆由中書樞密然後施行因進
聖治箴五篇以父憂去服除擢知制誥判禮部流內銓太常
禮院使契丹還請知鄧州卒年四十六絳以文學知名一時
爲人修潔醜藉所至大興學舍嘗請諸郡立學在河南修國

于學教諸生自遠而至者數百人好施宗族喜賓客卒之日
 家無餘貲有文集五十卷宋子景初字師厚慶歷六年甲科
 及第以大理評事知餘姚縣始作海塘防水患累遷益州路
 提點刑獄以屯田郎致仕性倜儻勁峭博學能文尤長於詩
 為歐陽修梅堯臣王安石所推重女婿黃庭堅自謂從謝公
 得句法弟景平字師同以蔭試秘書省校書郎守將作監主
 簿中進士第簽判崇信軍監楚州西河轉般倉好學著詩書
 傳說數十卷終秘書丞弟景回字師復幼好學年十九所為
 文辭已可傳以疾卒盧志

吳感字應之吳縣人以文詞知名天聖二年省試第一九年中

書判拔萃科仕至殿中丞子純文行亦高鄉人目曰吳先生
吳郡志

陸徽之字彥猷常熟人祖景字伯通景祐初及第官至太常博
 士徽之由太學上舍生免殿試賜同進士出身終濮陽主簿
 高才博學眾推為鄉先生出其門者如陳起宗張柟錢觀復
 皆為顯人徽宗即位詔求直言徽之廷對與雍孝聞輩力陳
 時政闕失唱名日有旨駁放孝聞立殿下叩頭曰陛下求直
 言有云言之者無罪今詔墨未乾奈何以直言罪人衛士怒
 以柱斧撞其頰數齒俱落大觀末彗星見始復收錄時孝聞
 已不能語止賜六字道號居神霄宮徽之欲赴京師已卒孫

端成字天錫就特奏恩

中吳紀聞
參盧志

陸綰字權叔常熟慶安人本名絳字心厚見前史同姓名者不
 道更今名舉進士第歷知揚子雍邱二縣終朝奉郎尚書職
 方郎充淮南等路制置發運司運鹽公事卒於真州官舍贈
 中散大夫綰讀書務通理道著書必本經昆弟分產推先疇
 付之捐俸振族教孤姪如其子臨吏嚴而字民加卹所歷郡
 縣專摧治豪右懾服強禦所著春秋新解三十卷歌詩尤膾
 炙人口嘗提舉江淮茶稅蘇洵贈之以詩盧志

李育字仲蒙吳縣人舉進士第四能為詩字畫亦清麗性高簡
 故官不甚顯亦少知之者盧志

張僑字安道常熟人有聲場屋間嘗作月中桂詩膾炙人口登

皇祐元年進士第因言事謫衢州終於朝散郎尚書都官員
 外郎同年趙清獻抃遊從極厚詩筒往來觀其友足以知其
 人矣子顏孫敏功四世孫攀皆登科琴川志

陳睦字子雝祖絳莆田人舉賢良方正官至右司諫徙家蘇州
 兄侗進士知汝州富弼辟為從事召除館閣校勘歷衛尉少
 卿元豐中知陝湖宣三州睦嘉祐六年進士治平中詔舉館
 閣才學之士睦與劉攽李清臣輩首被選擢拜監察御史熙
 寧中提舉兩浙常平以曾公亮薦遷提點刑獄坐事免官元
 豐間高麗數遣使航海修貢朝廷以其恭順選使諭旨初命

林希希辭更以命睦睦即日就道上喜語輔臣曰林希無親
 堅辭不往睦親在乃不憚行假起居舍人直昭文館特贈仙
 華金帶使還言故事惟寶文閣直學士以上乃服金帶今詩
 上所賜特旨令服之仍真拜所假官職又賜金琰以示寵尋
 直龍圖閣知潭州改寶文閣待制知廣州子彥文字經仲建
 炎二年以龍圖閣待制知江州視事方十日會盜張遇犯城
 彥文極力固守遇乃引去明年為沿江措置使尋躋法從彥
 文弟彥武字緯叔為提舉官

盧志

方惟深字子通本莆田人父龜年官至屯田郎卒葬長洲因家
 焉惟深鄉貢第一試禮部不第即棄去有田一廛與其弟躬

耕閒則讀書至於黃帝莊老之言養生為壽者之說及西方
 別傳皆得其大指尤長於詩每一篇出人爭傳誦王安石稱
 其精純警絕元白皮陸有不到處惟深雖游安石之門無一
 毫迎合意文與行義與朱長文同為一時所宗元符初郡將
 薦於朝崇寧中復以遺逸應詔皆不起有司舉貢籍以年格
 得興化軍助教賜敕牒袍笏於家初年四十無子其弟有子
 以謂吾先人有後足矣即屏居於外預知死期喪葬皆有治
 命年八十三有詩集十卷

中吳紀聞吳郡志盧志今纂

張僅字幾道吳縣人治平中舉進士與里人顧棠皆為王安石
 門下士安石作三經義二人與焉僅官至著作佐郎卒棠字

叔思撰周易義類三卷 盧志

顧襄字公甫吳縣人太學上舍生名聲藉甚登熙寧九年第調

丹徒尉召為太學正元豐五年卒於京師又顏長民登元豐

二年進士第三子采撝字亦相繼擢高科采字君用終提舉

常平撝字仲謙終嚴陵守孚字端中崇觀間有聲太學士行

甚美每試必居前列皆目之為顏夫子人欲識其面不可得

既登第即下世 中吳紀聞

李璋居盤門為人不羈王荆公甚愛其才嘗有詩送行云湖海

聲名二十年尚隨鄉試已華顛又送其下第云學如吾子何

憂失命屬天工不可猜後改名玖以特恩補官孫益字彥中

亦登科紹興間任監察御史居常熟 中吳紀聞吳郡志合纂

黃策字子虛吳縣人彥子九歲能屬文弱冠擢進士第嘗追和

梁昭明所選詩持見蘇軾軾曰子異時必以文顯歷雍邱主

簿齊州教授元符末詔中外言事時昭慈聖獻皇后既復位

號而典冊有未盡正者策引古誼上書甚切蔡京深銜之崇

寧初黨籍羈管登州會赦還鄉建炎中追錄黨人除直秘閣

通判嚴州初欽宗在青宮時聞策名大書隨緣二字以賜因

自號隨緣居士子維 盧志云自有傳而他處不見 維弟纓字端冕宣和末

屢上書言事李綱為行營使嘗居幕府遭亂還鄉陳長文稱

為千人之英紹興初以文名策有隨緣居士集四十卷纓有

感事詩纓子季魯有集十卷皆附焉季魯字道夫策弟簡字能甫黃氏自挺以下居吳縣聚塢山為縣中大族盧志

魏憲字令則吳江人與弟志俱進士聖四年進士有聲太學號

熙豐人才累遷國子司業親喪三年弗御酒肉廬於冢上有

芝草甘露之祥再為司業以學行見推兼太子舍人遷中書

舍人給事中其文溫厚雅正得代言之體宣和二年以直龍

圖閣知常州三年除太常少卿歷顯謨閣學士知明州建炎

二年為吏部侍郎時案牘散佚吏緣為姦有偽名寄貫之弊

憲請嚴保任開告賞急期會以戢其弊又言古未有背天險

以為都者虜騎由京西不四五日可至淮泗宜有以待之久

之以直學士提舉江州太平觀歸鄉里名所居曰止菴優游

十餘年無疾而終年七十三志字幾道志四世孫汝賢淳祐

四年特奏名狀元盧志

范周字無外吳縣人文正公姪孫贊善大夫純古之子負才不

羈工詩詞無意榮達安貧自樂未嘗屈折於人所居號范家

園所賦詩甚多時出傑句如詠懷云一瓢有道泰山重五鼎

不義鴻毛輕其氣槩崑兀類如此吳郡志

陳起宗字與祖常熟人少入上庠連冠多士一日歸省屬同舍

生為投試卷起宗業禮記同舍嫉之易以周禮迫試乃告起

宗遂用周禮試復第一登政和五年進士第四年三十七以

徽猷閣待制知并州卒起宗善設辨詩篇灑落有陶謝風韻

盧志

王誼字正仲吳江人蘋從子師事楊邦弼以學行鳴於時秦檜當國忌天下能者誼因發憤為罷相對以刺之為其僕所告檜怒貶象州十年乃歸遂不復仕著春秋類書

莫旦徐師曾吳江縣志合纂

嚴煥字子文常熟人嘗與同里錢南試聖人以人占天賦出場問破題押何字南曰押占字煥曰余奪魁君第二果以首薦登紹興十二年第調徽州臨安教授通判建康府知江陰軍遷太常丞出為福建市舶終朝奉大夫煥長於書筆法尤精

琴川志

王伯廣字師德常熟人登紹興十二年進士第調德清尉既歸里家產遜諸弟一毫不取試教官授温州教授再調常州未赴卒年五十伯廣少工文從中書舍人楊邦弼學嘗過臨安謁張倅材仲張曰試教官乎曰某素不習經張為指蹊轍閱月以程文示張張大驚曰天才也即魁教官精於詩四六亦為人膾炙與張孝祥游詩筒往復有聽雨集藏於家

琴川志

孫緯字彥文吳縣人擢進士第歷宗正寺丞官至尚書郎人誠

樸好以俗語為詩文而近理尤精於一時典故及巨室大家

名系世次無不通曉嘗著集諡總錄本朝人物志行於世

盧志

趙礪老字渭師其先東平人居吳江黎里孝宗朝以書狀官隨范成大奉使金國成大薦之擢正言乾道八年以右通直郎知楚州入為太府寺丞復由兩浙轉運副使知臨安府除秘閣修撰權工部侍郎所著有拙菴雜著三十卷外集四卷

志參舊縣志

蘇姑

林樸字伯振長洲人乾道中與弟炎同舉進士為長興簿知武昌縣嘗云交代有子孫之契不宜交惡金穀倘有虧欠當即與交頭無令滯其批書時人稱其長厚炎字玉圭善篆書
張攀字從龍常熟人由太學登淳熙十一年進士第調鄞縣尉楚州教授知溧水縣巖州通判監登聞鼓院慶元通判知興

盧志

國軍除將作監丞太府寺丞秘書丞詮次中興館閣書目凡萬四千九百四十三卷上之兼權右曹郎官除尚右郎官改尚左軍器監同日再命拜殿中侍御史兼侍講除起居郎兼崇政殿說書嘉定十六年卒年七十贈通議大夫集英殿修撰攀寬厚易直遇事開誠無一毫矯飾幼年羣試不肯隨眾減年為欺家世清白持之益堅仕州縣以循良稱在朝廷以靖恭著有益齋文集奏議漢唐論共若干卷
周甫字次山常熟人幼穎悟五歲誦論語每舉一字輒引類言之淳熙十年秋試主文郭頤取為解魁以失書塗注太守耿秉移嗣榜首遂棄舉子業窮經史百家之書識見超卓文筆

盧志

凌厲操履益不苟參政宇文紹節館之以邊功累官不就縣令孫應時甚愛重之精于漢史所著韓生傳章華臺記石頭城歌等作皆膾炙人口

琴川志

周南字南仲吳縣人博學無所不通與孔元忠滕歲皆從葉適游紹熙元年對策言陛下聰明爲小人蒙蔽抱才負學之士以道學棄之其中立不倚者又指爲道學之黨而不用唯其不能可否無所執守而自爲賢智然後竊箕子之說爲自便之地而建皇極之論起夫箕子謂有爲有猷有守乃有才有道有操執之人也今所指道學朋黨者正皇極所用之人奈何棄天下材能執守之賢取其庸愚奸妄用之而謂之建皇

極哉又云陛下近逐一讒詔權賄之小人而卷舌之星爲之不明者累月若積其實德每事如斯何求而不得是時閣門舍人姜特立得幸留正奏出之故南言如此考官得其文驚歎擬奏第一適鄭湜有奏光宗顧謂大臣曰湜疏才入六日爾南何自知之乃格寘乙科之首當時中選者自媿在南右授滁州教授時論者益攻道學南婦翁黃度忤權貴爲御史所劾差南常州推官以父憂不行主管吏部架閣文字幹辦浙東茶鹽司公事開禧三年召試館尋改文林郎秘書省正字母喪服除再入又以言罷卒所著山房藁前後集合四十

卷子深原嘉興丞知太平縣

盧志

顧頤正字養正本名敦頤其先歷陽人元祐黨人兵部侍郎原之曾孫父相字聖任知華亭縣甚著聲績遂家吳中頤正用洪丞相門客恩為登仕郎嘗著符祐本末三十卷又著元祐黨籍三百九人列傳所佚者六人而已淳熙末洪邁領史院奏授下州文學補迪功郎監潭州南嶽廟光宗受禪改今名用薦主管吏部架閣文字遷太社令宗正寺主簿著續稽古錄言韓侂胄定策功擢兼資善小學教授遷樞密院編修官嘉泰元年詔頤正學問該博賜進士出身兼實錄院檢討官預修光孝二宗實錄未幾遷秘書丞卒侂胄死有詔毀續稽古錄頤正有文名為范成大周必大所稱著書甚多有中興

忠義錄續釋常談二十卷 盧志

姚原字子東長洲人七歲而孤自知讀書舉進士以詞賦稱再試不合輒棄去曰窮達有分名不我遂命也由是絕意仕進務著述號北窗居士所著有纂元五十卷洞微經六卷次韻李瀚蒙求三卷及剡溪叢語玉林瑤編易素等書其詩尤工

云 朱思銘

張慶之字子善其祖從建康徙吳父明字子聰氣岸奇偉慶之少有志操為舉子業逮長棄不習出入經史百氏精思積年擬太元作測靈又撰孔孟衍語絕意仕進好為山水之遊著虎邱賦因號海峯野逸傲五柳先生作海峯遺民傳以伯夷

蔣詡陶潛司空圖自況且謂沈冥似海峻厲似峯時人尙其
狷介初文天祥知平江慶之齒諸生之列泊國亡集杜詩備
述天祥平生大節有海峯文編并老子注測靈衍語續胡曾

詠史詩若干卷

盧志

凌萬頃字叔度號松臞崑山人景定間進士任直學博學多聞
邑令項公澤重之請與邊實同修玉峯志行於世

周世昌崑山志

元

俞元燮字邦亮長洲人少貧養母甚孝通蔡氏書傳博采羣說
作集傳十卷或問二卷郡校士子以專經師之嘗謂其徒曰
宋亡舉子餘習非經本旨文極則反質矣朝廷取人材於斯

文必求諸義理之實乎未幾延祐科舉詔下多如所云而元

燮於省試不屑也

皇甫汈長洲志

湯彌昌字師言宋大理少卿璫四世孫父暉志咸淳進士彌昌
元初爲長洲崑山教諭鄱江清獻兩書院山長建康路學教
授轉瑞安州判官致仕生平篤學以文名於時所著有周禮

解義碧山類藁湘江權歌

盧志

浦源長洲人至正間仕至大中大夫廣平路總管輕車都尉封
京兆郡侯初未聞其有文學名嘗於景德寺旁見一石刻乃
源爲同僉阿札刺室人童氏祠記其文宏博怪特字畫遒勁

足爲名家

姑蘇志

衛培字寧深崑山人文節公涇之曾孫性端確博通經史前代典故問無不知延祐七年郡府以培充貢試龍虎榜賦文不起草人謂有揚馬才時雖被黜識者推之知州王安貞聘訓導州學號月山先生所著文十卷曰過耳集又有李季高號蓉月性謹慎博洽羣書與衛培俱以隱德老於林下所著有蓉月集

周世昌崑山志

徐雷龍字幼成吳縣人宋淳祐間名綴解榜授登仕郎穎悟夙成博學多識嘗從狀元阮登炳習舉子業爲時論所重有滄溪三絕之名謂雷龍之論黃竹野之策劉浩然之賦也元初以達官薦授武進縣學教諭不就屏居光福山中以終

盧志

湯仲友字端夫先名益淹貫經史氣韻高逸學詩於周弼早登知府二吳之門浪迹湖海晚復歸吳自號西樓有北游詩集其過葛嶺賈相宅一篇最爲人所稱

盧志

張雯字子昭其先浚儀人南渡徙錢塘祖父始居吳雯少嗜學喜從儒先君子游時宋亡廿餘年故老遺黎猶有存者雯嘗從之問宋遺事得其什一歲游錢塘每覽山川城邑荒臺古墓必徘徊躑躅感歎不能已兼通聲律喜古樂府歌曲家臨市衢構樓蓄書自經傳子史下逮稗官百家無不備日繙閱研究性不喜人言科第得失與夫巧宦善富故貧窶終其身年六十四卒所著有繼潛錄等書子田字芸已讀書苦學能

紹父志 鄭元祐墓誌

高常字履常一字可久吳縣人性嗜吟詠所居有宜靜齋編唐人詩於其所自有詩五卷名覆瓿集晉陵尤焞汝陽周弼廬山馮去非爲之序常清癯灑落晚以竹鶴自號卒年六十四無子捐宅爲妙智僧舍又顧逢字君際舉進士不第學詩於周弼稱爲顧五言自署其居爲五字田家放情山水間隱於臨安別號梅山樵叟有詩十卷傳日本僧後辟吳縣學官卒年七十四所著船窗夜話一卷負暄雜錄一卷陳瀧字伯雨紹興初自汴徙家於吳瀧博涉經史百氏最深於春秋晉書鄉薦漕試皆不第放浪山水僮有晉人風致從周弼馮去

非爲詩有澹泊集九卷晚號碧澗翁子鐸字子振錡字子敬能世其業瀧與湯仲友高常顧逢皆端淳名士同郡陳發嘗評癯鶴高樓梅清澗幽爲四詩之趣發子永輯爲一編名曰

蘇臺四妙發字伯和所居號竹深永字子久 盧志

朱德潤字澤民其先睢陽人宋兵部郎中貫之後避亂南奔遂爲吳人通志作崑山人德潤自幼讀書一過輒能記長工詩善書札畫山水人物有古作者風延祐末游京師趙孟頫薦於仁宗召見命爲國史編修明年英宗嗣位授鎮東行中書省儒學提舉又明年獻雪獵賦上奇之命泥金書內典及成而英宗又崩德潤曰吾挾吾能事兩朝而弗偶其歸飲三江

蘇州府志 卷九十七
水食吳門尊乎既歸杜門讀書三十年至正十二年江淮用
兵起江浙行省參謀官進言於平章曰民不識兵百年矣變
生不虞宜以安集爲念凡擲兵來附者皆平民請一切貸之
收復郡縣其功爲多攝守長興至則帟無一人德潤招徠有
法毗庶虜至以病免十五年微疾卒年七十二有存復齋藁
十卷 周伯琦誌
宋无字子虛家毘陵以兵亂遷吳父國珍辟平江帳前提舉至
元辛巳國珍領征東萬戶案牘適病痿无代之入海抵竹島
風雹交作隨驚濤上下經高麗諸山罹沈疴瘦骨柴立未嘗
廢吟咏歲丁亥舉茂才以奉親辭時科舉廢遂專工爲詩比

對精切造語新奇與鄧光薦趙孟頫馮子振友善所著有翠
寒集吟嚙集靄迺集寒齋冷語年八十一卒 宋无自誌馮子振序合纂

蔣堂字子中吳縣人父爲州幕長多施陰德生堂聰敏過人幼
讀書有大志及長以孝友稱與人誠敬從永嘉林寬學中泰
定三年江浙行省鄉試第三廣東廉訪使辟爲書吏不就隱
居吳門執經受業者不遠千里而至其後登左右榜者多其
弟子至正間用薦爲嘉定州學教授秩滿以疾終有詩文若
干卷 盧志

陸友字友仁吳縣人父業賈友攻苦於學善詩尤長五言兼工
楷隸能鑑辨鐘鼎銘刻法書名畫嘗至上都虞集柯九思薦

之未及用歸自號硯北生著硯史墨史印史有把菊軒藁吳
中雜誌姑蘇志吳縣志合纂

盧觀字彥達崑山人其先龍興武寧人五世祖徙平江再徙崑
山祖鑑字明叔工詞賦父有常字元吉以隱約終觀少刻志
於學受業湯彌昌錢重鼎之門客遊江淮間名卿鉅人有欲
舉觀者力辭之隱居教授接人弗以貴賤異或加以非禮怡
然不與較遇人患難必為盡心經畫事親温清滌灑不以貧
故少缺暮年得羸疾猶手不釋卷母卒以不能行喪禮痛慕
悲號病日增劇卒年六十五門人私諡曰夷孝先生所著有
易集圖詩集說草翠軒文稿樂府聲調集總若干卷申屠衡銘

文質字學古崑山人學行卓然詞章奇放為楊維禎所稱與盧

觀趙天祐衛培盛德瑞范天與六人為邑中耆碩有司給廩

膳焉江南通志

顧權字用衡崑山人其先自蘭谿徙居崑山父達卿與胡雲峯
友善期有子當使為士及得權篤意教之權能力學博通羣
典尤究心於易為文章刻意有古作者矩度一字不當不苟
出遭時多艱隱居不仕為鄉校師卒無子知州僕侯斯為買
地葬于馬鞍山北門人私諡靖夷先生姑蘇志

金至善字伯明崑山人修德樂施老益力於學教導鄉里多所

成就自號菊逸老人有菊逸集舊志

姚文奐字子章崑山人聰敏好學過目成誦博涉經史縉紳先生推重之辟授浙東帥閩掾雖公事旁午不廢吟咏家有書

聲齋野航亭自號婁東生

周世昌志

黃錫孫字禹疇常熟人幼聰慧讀書即知求義理長勵行檢居窮守約不易其介善造就後學為文尚理氣詩尤清粹有穀

山集子進德明德修德皆為本州教授

龔志

朱桓字仲威常熟人力學負志張氏據吳桓航海上書於朝授編修官復朝服啟儲宮辭極懇切不報竟憂憤卒江陰王逢有寄朱仲威詩張宣亦有寄朱編修詩其著述散佚所傳青陽集序一篇殆淹博忼爽士也

龔志

時太初字大本常熟人博學能文詩尤俊逸與楊仲宏于壽道為文字交嘗仕海昌某官賦白燕詩云珠簾十二中間捲玉翦一雙高下飛楊鐵崖極稱之

龔志

顧德輝字仲瑛崑山人家世素封輕財結客豪宕自喜年三十始折節讀書購古書名畫彝鼎秘翫築別業於茜涇西曰玉山佳處晨夕與客置酒賦詩其中四方文學士河東張翥會稽楊維禎天台柯九思永嘉李孝光方外士張雨于彥成琦元璞輩咸主其家園池亭榭之盛圖史之富暨餼館聲伎並冠絕一時而德輝才情妙麗與諸名士亦略相當嘗舉茂才授會稽教諭辟行省屬官皆不就張士誠據吳欲強以官去

隱於嘉興之合溪尋以子元臣為元水軍副都萬戶封德輝
武畧將軍飛騎尉錢塘縣男母喪歸綽溪士誠再辟之遂斷
髮廬墓自號曰金粟道人及吳平父子並徙濠梁洪武二年

卒

明史

盛輿字敬之初為震澤鎮教諭陞錦州學正兵興參謀浙省軍
政擢崇德州判官輿嘗受易於郡人龔子敬好古博識醫卜
地理之書靡不通究所著有韻書羣玉滴露齋稿

吳江舊志

蘇州府志卷第九十七終

蘇州府志卷第九十八

人物目錄

文苑三

明

高啓

謝徽 弟恭

劉以禮

張適 孫祝

周砥

王行

傅著

申屠衡 陶琛 琛子繼

宋克

張簡

楊基

周南老 子敏 敏孫綱

錢達 父良佑

葉禺 許暉

吳簡 子復 頤

鄒奕 子彭祖 彭祖孫英

朱應辰

盧熊 子彭祖 彭祖孫英

秦約

郭翼

袁華

項駕

楊性

蕭規 子潭 湘

沈黻

黃本 凌昌 陳玠 玠弟

吳文泰 丁敏

錢甦

瞿莊 鄭思先 鄭金

施顯

陳則

余熾

朱吉 子定安 泰安 永安

王明善 朱璲 黃鐸

史謹

陶振

虞堪

趙友同 弟友泰 子季敷

梁時

張官

滕用亨

王汝玉 父立中 兄璉 弟璉

沈澄 子貞吉 恒吉

夏景 兄曷

張衡 孫懋 懋從弟學 京安 張緒

陳皞 從子助

屈昉

錢紳 錢腴 紳弟纓

陳紹先

唐敏 子元

季篋

劉溥

鄒亮 弟順

衛靖

施榮

劉昌 子嘉緒 孫稚孫

陳鑑

陳頌

李應楨

沈鐘

徐震

莫旦

吳驥 子鉉 吳鎮 吳璩

劉珏

張淮 陳體方 體方子韶

顧亮 子竑

鄭文康 周敘張謙夏祐沈祥黃琚呂穆周號

湯洪

杜庠

朱萱

桑悅

陸鈇 子爰

張習

徐庸 王越 孫寧 談震 盛箴 張野

錢洪 兄寬

崔激

姚明

楊循吉

戴冠

陳九疇 弟九韶

奚昌

沈愚 弟魯

陳蒙 世父符

浦應祥

趙寬 吳璠

施鳳

朱存理 朱凱 閻起山

蘇州府志卷第九十八

人物

文苑三

明

高啓字季迪長洲人博學工詩張士誠據吳啓依外家居吳淞江之青邱洪武初被薦偕同縣謝徽召修元史授翰林院國史編修官復命教授諸王三年秋帝御闕樓啓徽俱入對擢啓戶部右侍郎徽吏部郎中啓自陳年少不敢當重任徽亦固辭乃見許已並賜白金放還啓嘗賦詩有所諷刺帝嫌之未發也及歸居青邱授書自給知府魏觀爲移其家郡中旦夕延見甚歡觀以改修府治獲譴帝見啓所作上梁文因發

怒腰斬於市年三十有九明初吳下多詩人啓與楊基張羽

徐賁稱四傑以配唐王楊盧駱云明史

傳著字則明長洲人洪武初召修元史史成歸爲常熟教諭魏

觀行鄉飲酒禮長洲教諭周敏侍其父南老著侍其父玉皆

降而北面立觀禮者以爲盛事焉歷官知府卒明史 姑蘇志著元季鄉

試乙榜卒官潞州知州有味梅齋集

按諸志皆作常熟人今從明史

謝徽字元懿長洲人洪武初召修元史史成授翰林國史院編

修尋擢吏部郎中力辭不拜歸復起國子助教卒徽博學工

詩文與同邑高啓齊名第恭字元功亦能詩明史

申屠衡字仲權長洲人少從楊維禎學春秋爲古文有法元季

不仕自號樹屋傭洪武三年徵至京草諭蜀書稱旨授翰林

修撰以病免尋謫居濠上卒所著有叩角集同時有陶琛字

彥珩者亦有文學洪武初以薦爲儒學官志尙高潔工古篆

書多得籀法子繼字承伯枝江知縣亦有能書名姑蘇志

劉以禮字德讓其先汴人祖順之仕平江路權茶提領因家於

蘇以禮學識該博儀狀偉然洪武初以明經薦授沛縣儒學

教諭時學徒久廢以禮力以興舉爲己任乃舉鄉人張倫爲

訓導協心教之多所成就沛學至今祀之姑蘇志

宋克字仲溫長洲人家南宮里號南宮生偉軀幹博涉書史少

任俠好學劔走馬家素饒結客飲博迨壯謝酒徒學兵法周

流無所遇益以氣自豪張士誠欲羅致之不就性抗直與人
議論期必勝援古切今人莫能難也杜門染翰日費十紙遂
以善書名天下時有宋廣字昌裔亦善草書稱二宋洪武初
克任鳳翔同知卒

明史參
高啓傳

張適字子宜長洲人父澤元海道萬戶府總管適十歲能賦詩
彈琴時傅奇童嘗以詩經應江浙鄉試元季天下亂遂隱居
不仕洪武初以秀才召擢水部郎中病免後復以明經薦授
廣西布政司理問所提控案牘調滇池魚課司大使考滿改
宣課司大使卒適博學工詩文與高楊齊名所著有樂園江
館南湖滇南甘白諸集孫祝宣德間由進士除大理評事正

統初上疏言畿甸旱蝗乞暫停征稅放免匠役蠲除倒斃馬

匹以甦民困後坐事左遷處州知州陞大理寺左正保定知

府致仕卒

姑蘇
志

張簡字仲簡吳縣人初師張雨為道士隱居鴻山元季兵亂以
母老歸養遂返儒服洪武三年薦修元史當元季浙東西士
大夫以文墨相尚每歲必聯詩社聘一二文章鉅公主之四
方名士畢至讌賞窮日夜詩勝者輒有厚贈臨川饒介為元
淮南行省參政豪於詩自號醉樵嘗集諸名士賦醉樵歌簡
詩第一贈黃金一餅高啓次之得白金三斤楊基又次之猶

贈一鑑

明
史

周砥字履道吳人僑無錫博學工文詞與宐興馬治善遭亂客
治家治為具舟車盡窮陽羨山溪之勝其鄉多富人與治善
者咸置酒招砥砥心厭之一日貽書別治夜半遁去游會稽

歿於兵明史

楊基字孟載其先蜀嘉州人祖宦吳中生基遂家焉九歲背誦
六經及長著書十餘萬言名曰論鑒遭亂隱吳之赤山張士
誠辟為丞相府記室未幾辭去客饒介所明師下平江基以
饒氏客安置臨濠旋徙河南洪武二年放歸尋起為滎陽知
縣謫居鍾離被薦為江西行省幕官以省臣得罪落職六年
起官奉使湖廣召還授兵部員外郎遷山西副使進按察使

被讒奪官謫輸作竟卒於工所初會稽楊維禎客吳中以詩
自豪基於座上賦鐵笛歌維禎驚喜與俱東語從遊者曰吾
在吳又得一鐵矣若曹就之學優於老鐵學也明史

王行字止仲吳縣人幼隨父依賣藥徐翁家徐媪好聽稗官小
說行日記數本為媪誦之媪喜言於翁授以論語明日悉成
誦翁大異之俾盡讀家所有書遂淹貫經史百家言未弱冠
謝去授徒齊門名士咸與交富人沈萬三延之家塾每文成
酬白金鎰計行輒麾去曰使富而可守則然臍之慘不及矣
洪武初有司延為學校師已謝去隱於石湖其二子役於京
行往視之涼國公藍玉館於家數薦之太祖得召見後玉誅

行父子亦坐死始吳中用兵所在多列礮石自固行私語所知曰兵法柔能制剛若植大竹於地繫布其端礮石至布隨之低昂則人不能害而礮石無所用矣後常遇春取平江果如其法行亦自負知兵以及於禍云初高啓家北郭與行比鄰徐賁高遜志唐肅宋克余堯臣張羽呂敏陳則皆卜居相近號北郭十友又稱十才子

明史

周南老字正道本道州人濂溪先生後宋季徙吳祖才父文英南老元季用薦授永豐縣學教諭改當塗縣代還會天下亂省臣奏爲吳縣主簿僧普益殺人久不得尸南老移檄責縣神次日覺羣鳥飛繞有異跡其所止獲尸於湖濱縣稱神明

尋辟爲浙省掾上書言時政六事曰開荒田節財用通鹽法息奔競辨禮分公銓選除兩浙鹽運知事進淮南行省照磨改江浙行省進擢本省理問明初徵詣太常議郊祀禮禮成發臨濠居住數月放還又十六年卒年八十三南老端毅好學其學本於義理而詳於制度所著有易傳集說喪祭禮舉要姑蘇雜咏拙逸齋稿子敏字遜學洪武中任長洲學教諭後與金華胡隆成同召以親老辭歸終廣東軍器局副使子汝安溪主簿淵遂昌知縣孫綱字文敘以薦授廣西融縣丞進知縣治融十八年有惠政成化中都御史韓雍以融人思綱不忘奏綱子奎爲融丞未幾進攝知縣兼攝羅城懷遠二

縣後丁母憂改茶陵州判官卒

姑蘇志

錢逵字伯行吳縣人父良佑字翼之博學工詩尤工篆隸元文宗時嘗被旨書農桑輯要大學衍義廷臣交薦宜列館閣不報至大閒署吳縣教諭既代遂不復出自僦江邨民逵刻意力學年四十餘猶無宦情至正閒江浙行省分治於蘇始起家授登仕郎江浙行省管勾架閣尋除本省檢校官歷左右司都事陞淮南行省員外郎洪武初選詣太常議禮禮成發居鳳陽未幾放歸後以事逮詣京卒逵爲人淳厚雅飭稽古考訂雖老不倦其書雖傳家學而論者謂特過之篆隸行楷悉追古人妙處一時若參政王叔能平章達兼善咸推重之

所著有櫓巢稿

姑蘇志

葉禹字伯印吳縣人家洞庭東山父國英僮好結內名士儒學提舉李祈國子助教宇文公諒並主其家故禹學有端緒尤長於詩元季中江浙行省鄉試署和靖書院山長意頗不樂挾策走燕京會天下亂流落濠亳閒比歸而家已蕩然故人耿炳文以討張士誠累功封長興侯遣人招禹欲薦於朝禹曰時去志違年幾知非無庸是爲也乃益放情詩酒伴狂自恣自稱浮邱醉史竟客死長興又有許煜光遠者亦家洞庭洪武初應召至京獻詩又陳省刑薄稅之策以老乞歸賜布袍放還今山中有許山人亭

姑蘇志

吳簡字仲廉吳江人元季數舉於鄉不利遂杜門積學尋以薦授郡學訓導陞紹興學錄洪武四年應詔至京以疾辭歸優

游林泉自號月潭居士年八十二卒所著有論語提要史學

提綱守約齋集子復湖廣僉事頤縣學訓導俱有文名姑蘇志

鄒奔字宏道吳江人秀目美髯貌若玉雪論議英發文詞高古

至正中登進士調饒州錄事洪武初為御史出知贛州府坐

事謫甘肅二十餘年永樂初以憲義薦召還有吳樵稿姑蘇志

朱應辰字文奎吳縣人少治禮經為舉子元季屢試不中乃棄

去從會稽楊維禎學為古文詞洪武初為郡學訓導後改江

陰卒應辰博學多伎能詩文衍暢炳蔚尤精篆籀之學所著

有漱芳集三卷姑蘇志

盧熊字公武崑山人觀之子元季為吳縣教諭江浙分中書省

辟為掾張士誠敗以故官追遣赴京母卒歸卜築玉山之南

絕意仕進以薦起為工部照磨尋以善書擢中書舍人遷充

州知州時兵革甫定民生疲瘵麗於辟者咸從輕典武臣將

兵道充欲致伎樂拒卻之太師李善長營魯王府又浚河自

充至任城役夫幾二十萬熊竭心調度事集而人不擾會簿

錄刑人家屬事坐累死時年五十先是熊嘗疏言州印篆譌

充字乃類袞上以為無禮銜之至是竟得罪熊生平不治生

產為政豈第不求赫赫名少與弟熙皆從楊維禎游博學工

文詞嘗纂修蘇州志窮搜極訪遂為一郡良史尤精篆籀所
 著有說文字原章句鹿城隱書蓬蝸幽憂石門清溪等集在
 宛又有宛州志孔顏氏世系譜子彭祖字長嬰洪武末任武
 康丞永樂初薦授禮部主事坐事謫阜城為民尋徵詣行在
 冠帶聽用以疾卒彭祖幼傳家學不事藻麗惟求適用為政
 亦有父風彭祖孫瑛字克修宣德五年進士官刑部主事博
 學善書尤工畫竹姑蘇志參王志
堅崑山人物傳
 秦約字文仲崑山人玉子至正閒官崇德州教授洪武初應召
 試慎獨箴拜禮部侍郎以母老辭歸再徵詣京師上疏乞復
 書院書堂義學守令之選另立一科四十涖職百日舉代三

年造冊與志書同進以備國史採擇上以約年老授溧陽教
 諭御史練則成待制吳沈薦約宿學遺老合在館閣不報在
 溧陽八年請老歸卒約文章務求理勝而詩尤工張翥貢師

泰尤所推重所著曰樵海集姑蘇志

郭翼字羲仲崑山人少從衛培學工詩尤精於易不屑為舉子
 業專志學古家貧不肯干謁自號東郭生生平以豪傑自負
 嘗獻策張氏勸其反元季貪殘舊政乘時進取若晏安逸樂
 精銳坐銷四方豪傑並起吳其必爭之地雖欲閉境自守勢
 將日蹙其可保乎士誠怒其言切而欲殺之其妻固止之乃
 得逸去洪武初徵授學官度不能有所自見怏怏而卒列朝詩集

袁華字子英崑山人少穎悟不羣讀書一二過輒記誦不忘工

詩尤長樂府與顧阿瑛友善其家所藏書畫悉經品題楊維

禎尤重其人以才子目之洪武初為郡學訓導後以其子為

吏被罪坐累卒於京師所著有耕學稿姑蘇志

項駕字叔馭博涉經史精於春秋尤工詩文洪武初應秀才舉

擢禮部郎中調官廣東政治廉平有聲於時崑山舊志

楊性字秉中崑山人博聞強記能詩早從楊維禎游楊以小鐵

呼之嘗構一亭扁曰草元日鼓琴觴詠其中洪武初由秀才

舉知祁州縣志

蕭規字元則其先湘潭人明初徙居吳江再徙郡城其學長於

春秋毛氏詩讀書樂道不求祿仕人稱竹園先生所著有湖

山樵寓集子二潭字孟南庚辰進士終建始知縣湘字仲南

承樂中舉秀才授中書舍人終大理評事俱有文學姑蘇志

沈黻字有莊吳江人洪武四年舉明經賜光祿酒饌尋放還嘗

應辟縣學西齋事所作詩文號西齋集縣志

黃本字本中先世自江夏徙蘇郡張氏據吳本避地同里遂家

焉洪武中舉明經為武夷訓導歷會昌教諭於經史百家之

書研極理趣其文章豐腴詩詞藻麗典則淳澹兵燹稿多散

佚識者惜之同時有凌昌字正卿性聰慧強記尤邃於書為

文汪洋明潔洪武十二年舉明經授縣學訓導遷太平教授

蘇州府志 卷之十一
卒所著有儀古集又陳玠字以進少從黃本學博綜羣書工詩文從弟琮字叔振亦能詩善書皆同里人也

吳文泰字文度吳縣人喜爲詩清才逸思雖憂困不廢吟咏與同郡丁敏爲友日夕吟不休嘗閉戶共爲詩人見其終日突無煙往視則方瞠目相對忘飢語益厲苦洪武閒文泰爲涿州同知後坐事去官歸以詩自娛卒年七十四有愚庵集敏字遜學固窮守志永樂閒流落江淮嘗館某氏師席有故人自遠來訪主家無畱意卽束書要客歸主惶恐數謝過竟不就飢寒死於道路

陳繼志姑蘇志合纂

錢甦字更生常熟人博學專攻性理洪武十年應詔上書至中

書長揖不拜左右以爲言甦曰未拜天子不敢先拜丞相遂於本省聽辦事數月不得召會有詔募撰祭元幼主文甦亦擬撰以進上得之大喜卽日召見欲官之以老疾辭賜歸卒甦初名沂字伯與洪武初坐事當刑其子迪代之死故易今

名姑蘇志

瞿莊字敬孚常熟人孝子嗣與子洪武初以薦擢翰林典簿宋濂爲侍講稱其文學蔚茂勵行堅凝應制諸作率皆稱旨遷禮部員外郎陞福建左參政嘗致一老吏於極刑丞相奏之帝手詔嘉獎又同邑鄭思先字歐仲東之子洪武六年以儒士被徵授國子助教歷御史官至福建布政使所至奸壬斂

跡鄭金字公濟洪武二十四年由明經授大理評事進御史
陞廣東按察使改福建左遷濟南知府為人英敏抗志不屈

能詩善書翰龔志

施顯字孟微常熟人洪武中鄉會試皆第一選庶吉士改前軍

都督府斷事官又署北平按察使事坐累謫遠州踰年乞畱

中自効拜江西道監察御史卒於官顯讀書勤苦盛暑坐帳

中帳頂皆黑子緒集其文名兩魁遺稿姑蘇志

陳則字文度家貧力學僦屋授徒以師範聞於鄉里洪武七年

由秀才舉任應天府治中俄進戶部侍郎以閱實戶口調大

同府同知陞知本府則少與高楊張徐輩相倡和為北郭十

友之一嘗賦紫菊詩得警句時呼陳紫菊張大復崑山人物傳

余燠字茂本崑山人有雋才精春秋之學洪武十年以明經授

承敕郎十五年進通政司參議十七年拜吏部尙書奏准來

朝官明年正旦各造事蹟文冊仍畫土地人民圖以十二月

二十五日至京惟雲南遠邊特免又立吏員撥用法學錄金

文徵畏祭酒宋訥嚴與同官田子貞等誣訥罪嗾燠移文令

致仕訥陸辭上驚問其故燠與文徵等皆坐誅燠家故鑷工

既貴猶稱余待詔兒為人長者未嘗譖毀人每進見微有所

寬釋居家尤恭謹望里門卽下故所往來必自名若未嘗貴

者乃為文徵所誤至此朱國楨明開國臣傳

朱吉字季寧崑山人德潤子初喪母值元季兵亂奉父周旋患
難張士誠據吳游士多苟從之惟吉不少降志自吳城徙家
崑山避之洪武中以薦授戶科給事中時糧長稽違勘合皆
坐死籍沒吉疏言勘合雖違而稅糧已足乞減死又乞寬胡
藍黨禁以安反側皆從之後以善書改中書舍人尋改侍書
出爲湖廣按察司僉事坐事繫獄永樂初赦復爲中書舍人
年八十一卒吉之學以聖賢爲師謹言慎行處已待人表裏
一致所著有三畏齋稿子定安字士隆尤工古篆得周伯琦
之傳嘗積其書草瘞之名篆塚中允吳均有篆塚記次泰安
字士栗永樂二年鄉薦授內黃教諭其教學者以熟傳註敦

行說爲先歷安仁安吉陽信三學致仕歸僦屋數椽授徒餽

口布袍蔬食處之怡然年九十三卒次永安字士常亦善筆

札皆清修篤學不墜其家聲云

姑蘇志參
王志堅傳

王明善字復初號樵玉崑山人性剛介隱居授徒教律嚴謹時
兵火之餘人鮮知學明善實爲之倡百里內外聞其風負笈
而來從者幾千人一經訓厲咸有成立其弟子朱璩字廷儀
自少力學尤精於易春秋築室學宮之側生徒雲集室隘不
能容至設帷庭中以處之設教三十餘年弟子稱爲素庵先
生永樂中又有舉人黃鐸有學行與進士張經俱不樂仕進
教授里中多所成就云

縣志

史謹字公敏崑山人少從倪瓚高啓游博學好古工詩畫甫冠
從戎滇陽洪武末翰林學士王景薦其才授應天府推官左
遷湘陰丞尋罷僑居金陵自號吳門野樵年七十餘卒有獨

醉亭詩集 張大復傳

陶振字子昌其先華亭人贅於龐山謝氏遂為吳江人少與謝
常同學於楊維禎兼治詩書春秋三經洪武二十三年舉明
經授縣學訓導嘗坐佃居官舍逮至京師撰紫金山等三賦
以進得釋遷安化教諭歸隱九峯閒授徒自給一夕死於虎
王達善挽詩云昔為海上釣鰲客今作山中飼虎人釣鰲客

振自號也 松陵文獻

虞堪字克用一字勝伯宋丞相允文諸孫後家長洲隱居行義
不樂仕進家藏書甚富多手自編輯其詩清順則麗閒寫山
水亦有思致 重先世手澤聞有雍公遺文雖千里外必購
得之乃已其從祖伯生遺稿亦堪所編洪武中為雲南府學
教授卒於官 姑蘇志

趙友同字彥和長洲人系出宋南陽侯父良仁工醫在藝術傳
友同沈實溫雅有行誼自少篤學嘗從宋濂游洪武末授華
亭學訓導永樂初滿考當遷會姚廣孝言其深於醫遂授太
醫院御醫又有言其知水事者詔從夏原吉治水浙西其後
大臣數薦其文學及修永樂大典遂用為副總裁又與修五

蘇州府志 卷之八
經四書性理大全書成當遷翰林以母喪去卒於家弟友恭

子季敷孫同魯俱世其學姑蘇志

梁時字用行始家吳江遷長洲博學工文章以氣格為主不事

纖麗亦善筆札洪武中用薦授岷府紀善遷翰林典籍修永

樂大典充副總裁有噫餘集姑蘇志

張有字繼孟別號夢庵雲之孫田之子少從金華宋濂學為文

有光燄作書長於古風書效薛稷為南辭新聲樂府一一臻

妙廣穎修髯衣冠楚楚若神仙中人然隱約不仕年八十餘

卒杜瓊小傳

滕用亨初名權字用衡德懋從子少從德懋遊學四方頗多見

聞問學辨博文詞爾雅尤精六書之學篆隸之妙高出近世

永樂三年被薦時年七十矣召見試篆書麟鳳龜龍四大字

以進又獻貞符三詩稱旨授翰林待詔與修永樂大典在官

四年卒用亨善鑑古嘗侍帝觀畫卷未竟眾目為趙伯駒用

亨曰此王詵筆也至卷尾果然明史參姑蘇志

王汝玉名璫以字行其先蜀之遂寧人六世祖極宋吏部侍郎

僑居吳中遂為長洲人父立中字彥強元末老儒仕開化慈

谿二尉陞紹興路治中歷知無錫嘉定二州進知松江府明

初致仕有文學善畫汝玉穎敏強記年十七中浙江鄉試洪

武末以薦攝郡學教授應天府學訓導擢翰林五經博士永

樂初進檢討再進春坊贊善預修永樂大典仁宗在東宮特深眷注嘗與學士解縉應制撰神龜賦汝玉第一名大振然忌者多竟以他事下獄死洪熙初追贈太子賓客諡文靖遣官祭於其家汝玉爲文兼古今體製而賦尤瞻麗詩語雋永得唐人風格舉筆數千言頃刻立就所著有青城山人集弟璉字汝嘉少坐累謫戍五開後舉明經爲武昌府學訓導陞大庾教諭永樂初召修永樂大典又修五經四書性理大全書成畱爲五經博士進侍講主應天廣東西鄉試各一會試禮部二洪熙初開宏文館命楊溥陳繼及璉日直其中禮遇甚隆宣德元年卒璉文章不及汝玉而理致爲勝制行醇篤

楊士奇尤重之汝玉兄璉字汝器洪武壬子簡會試七十八人授編修使肄業文華堂命宋濂爲師璉在選中後爲吏部主事卒著有錦江類稿文學不減二弟以早卒不甚著

姑蘇志

沈澄字孟淵長洲人家素封讀書尙義嘗以人材徵赴京師試事大府將授官以疾乞歸周文襄巡撫吳中訪以時政多所施行澄雅善詩尤好客海內知名之士無不造之所居曰西莊日治具燕賓客詩酒爲樂人以顧仲瑛擬之翰林金問坐事繫獄十年衣食之需皆澄周之問嘗謂人曰吾微孟淵爲瘕鬼矣年八十八卒子貞吉號南齋恒吉號同齋父子相戒不仕以耕讀自娛能詩工畫兄弟自相倡和下至僮僕皆諳

文墨

姑蘇志參
杜瓊集

夏景字仲昭崑山人先冒外姓朱氏登第後復今姓景以經術
 進而書法特妙由庶吉士改中書舍人文廟嘗試其書第一
 特命書諸宮殿榜遂賜第宅免朝參眷顧極隆初景字作昺
 因召見上曰日豈可從旁宜加永上遂為更定故今字皆從
 之後遷考功主事正統中出知瑞州府入為太常少卿進正
 卿致仕景為政不事名譽而人安其平易居家孝友風流文
 雅有高人之致詩詞清麗尤工畫竹石擅名天下至於朝鮮
 日本諸國皆懸金購之兄昺字孟暘亦善書初為永寧縣丞
 謫戍隆慶景既被遇文皇閒問其書所自以昺對即日命馳

驛入見試書稱旨授中書舍人

姑蘇志

張衡字以平常熟人詞翰俱清永樂初徵入禁廷書誥以親老
 乞歸孫懋字時勉正統辛酉舉於鄉授鄆縣訓導終武邑教
 諭風範端謹誦讀自娛三子堯民湯民安民皆為月旦所推
 堯民嘗分纂邑乘懋有從弟曰學甘貧好修治詩經有名王
 端毅恕遣子承裕受業焉宰遂安九年治尚簡易引疾歸子
 京安舉進士又有張緒者字廷瑞居鄉校有才名以薦為會
 昌侯府教授詞筆通贍楷法端謹其墨竹亞於夏景
 陳皞字孟東崑山人少孤貧習法律算數之學永樂初芮翀知
 縣事擇知學者為吏皞衣青衣立堂下年特少因辟為從事

諭令就學乃以閒從林鍾說春秋偶桓說詩遂通五經之義
 兼能詩善書通政趙居任治水吳淞一見器之後應幕府書
 記從豐城伯平交趾以年勞授會稽知縣讞減寃因杖殺逃
 軍之害民者先是會稽民獷悍不就徭役睥懲其尤黠者數
 十人申明法令俗遂革改知淳安縣致仕歸常不自給性強
 記歷代史皆畧上口詩宗少陵有安止齋稿若干卷從子助
 字賢佐少從鄭文康沈愚輩講學里中號十鐸助能為長短
 詩歌精書法曉古今篆隸又能寫喬柯竹石仿漢晉印章正
 統初以薦授桐廬縣丞歷知新淦金谿二縣有能聲自免歸
 卒 張大復傳參
 王志堅傳

屈昉字季恒崑山人人才情倜儻讀書不事章句嘗從軍崇明寫
 懷寄遠詩篇傳播為楊士奇所知楊問崑令羅永年季恒安
 在羅不能荅楊曰君尚不識屈某耶羅有慚色心識之還縣
 適詔舉經明行修之士遂以昉薦授南海縣丞十年不調乞
 致仕有寓庵集 張大
 復傳

錢紳字孟書其先自秦州徙吳父中善琴紳少讀書修行與表
 兄陳繼連居一時儕輩數人各以所能更互辨難以相資益
 後領鄉薦授本府學訓導陞鄞縣教諭平生無世情與人無
 瞳眊家藏書甚富多手自抄錄 姑蘇
 志 時有錢腴字時用與紳

同姓為昆弟亦有文紳弟纓領鄉薦仕靖安州同知 杜啓人
 物傳

陳紹先字宗述吳縣人爲文簡質書亦清媚領永樂癸未鄉薦

宣德初授荊州府學教授遼王貴烺奏授紀善有所諫諍不

納謝歸以筆硯自食人購之不輕與年至九十時長洲沈貞

吉恒吉兄弟俱壽與紹先優游山澤間稱遺老焉又三年卒

劉鳳先賢傳 按紹先元處士深之孫植之子

唐敏字志學常熟人年十二能背誦五經既長博極羣書舉永

樂十二年鄉試歷浮梁寧津棲霞汶上四縣教諭所著有詩

經鈎旨博古要覽寒碧歸田二稿子元中山東鄉試曾孫天

恩自有傳 鄧龔二志合纂

季篴字仲怡常熟人永樂末以經明行修薦授崑山訓導遷山

東巢縣教諭篴有文學勤於纂述所著有友梅集崑山常熟

崇明三志 姑蘇志

劉溥字原溥長洲人祖彥敬父士賓皆以醫得官溥八歲賦滿

水詩時目爲聖童長侍祖父遊兩京研究經史兼通天文歷

數宣德時以文學徵有言溥善醫者授惠民局副使調太醫

院吏目恥以醫自名日吟詠爲事其詩初學西崑後更奇縱

與湯允勣蘇平蘇正沈愚王淮晏鐸鄒亮蔣忠王貞慶號景

泰十才子溥爲主盟 明史所著有草窻集 姑蘇志

鄒亮字克明長洲人善屬文才思藻麗受知巡撫周忱正統初

郡守况鍾薦其才擢吏部司務轉都察院司務遷監察御史

為人謙謹酷嗜書積至千餘卷手自抄錄讐校著有鳴珂漱芳等集二十餘卷又撰詩宗韻海未成卒第順字克和宣德

乙卯以春秋中順天鄉試授工部主事改刑部員外郎郎中

遷辰州知府致仕卒為人坦夷無他腸所著有學言稿

姑蘇志

吳驥字良材吳江同里人家貧力學恬於勢利洪熙元年舉明

經授濬縣訓導正統元年改壽昌遷清豐教諭致仕卒驥博

學強記教人嚴而有法時稱名師山西河南陝西諸省鄉試

凡五聘為考官所取皆名士卒年八十三所著有蒙庵集歸

田稿子鉉字時舉天順六年舉於鄉授四川布政司經歷致

仕歸為人沈靜質厚居家孝弟威寧伯王越師事其父與鉉

交厚及貴未嘗往謁人以此多之與驥同時有吳鎮字陽稽

能詩見湖海耆英集又有吳璩與同郡徐鏞賀甫等並以詩

名

舊志

衛靖字以嘉崑山人洪熙初以能書薦授中書舍人直文淵閣

陞禮部主事預修宣廟實錄靖謹厚能詩所著有公餘清興

集

姑蘇志

劉珏字廷美長洲人少時知府况鍾推擇為吏謝不願願得補

諸生鍾許之正統戊午舉鄉試以才薦授刑部主事歷官山

西按察司僉事年甫五十即致仕歸珏修身篤學動師古人

初在刑部有莆田縣丞督賦侵漁事覺當訊以黃金二百兩

託所親賂之珏斥去遂致於理居憂時無錫知縣某受賕繫
 獄知珏與當道善密遣人齎五百金求解珏曰爾王欲雪已
 而浼我耶不亟去當執之於官事母篤孝女兄少嫠子幼迎
 歸買田養之終身為詩尤長七言對偶清麗當時稱為劉八
 句書法出吳興畫師王叔明所著有完庵集王志堅府志稿
 施槃字宗銘吳縣洞庭山人幼警敏異常兒既長不屑就家人
 生業奮志於學從父游淮陽就師受經歸補縣學生正統三
 年領鄉薦明年試禮部皆前列廷試第一授修撰年甫二十
 三既入翰林日讀中秘書力學篤行為楊溥所重未踰年卒
 天下傷之姑蘇志

張淮字豫源吳縣人少業舉子一試鎖院即棄去家貧落魄天
 才豪宕頃刻千百言合肥徐誌以詩自負憫然謂吳無人眾
 中自誇蘇臺覽古之作淮援筆屬和立成二章皆出意表徐
 噤不敢復言明日遁去嘗燕一富人家牡丹盛開主人謂曰
 子能用中峯梅花詩韻賦百篇乎淮信筆成五十首笑曰詩
 腸枯矣亟呼酒沃之日未晷竟成百篇又回文一首人以爲
 神性嗜酒朝暮不離杯勺沈醉墮水而死時有老儒陳體方
 者亦嗜酒有索詩者醉之以酒輒有佳句將死頭戴野花肩
 輿徧游田閒狂醉三日而逝其子韶字大和縱酒工詩名亞
 於淮一夕醉死舊志

劉昌字欽謨吳縣人少穎敏過目成誦弱冠中正統九年鄉試第一明年會試第二對策忤執政抑置二甲景泰二年授南京工部主事時詔修宋元史昌與崑山張和在選中史事寢復舊任歷員外郎中出爲河南提學副使遷廣東左參政內艱歸服闋卒於家昌博學多聞勤於纂述在河南著河南志又收集名賢遺文作中州文表他如懸笥瑣錄蘇州續志五臺集炎方慟哭記又數百卷子嘉靖字協中亦工詩文早夭遺腹子稚孫以書翰名號七芝居士

陳頤志姑蘇志舊府志合纂

顧亮字寅仲吳縣人生五月而父伯雍歿鞠於母金遭舅氏累蕩產繼值儉人匿所託以女歸亮欲釋怨尋致訟母因卒亮

痛焉曰吾終不以仇人女爲妻遂出之徧游江淮閒力學行義久之南還入林屋山奮自刻勵發爲文辭聲譽日起學者推之至是乃復娶知府况鍾聞其賢建書塾於木蘭堂西延爲府僚弟子師歷後知府李從智朱勝汪許凡十五年不廢其教席四公欲以才薦亮固止之所著有東齋集家範匡正錄子竑字惟遠少勤學焚膏繼晷夜欲睡繫髮帳頂額爲之禿登成化己丑進士未及授官卒

牛若麟縣志

陳鑑字緝熙長洲人父潤謫戍蓋州道京師過其故人范叔瓚卽以鑑託之久之叔瓚家人不能容乃以貽道士王一居爲弟子一居命索債浙東乃從師受學債一無所問徒市書數

篋而歸一居奇之使卒儒業正統十三年進士及第授編修
 景泰中充講官進修撰天順初奉使朝鮮遷侍讀修英宗實
 錄成進侍讀學士未幾命為祭酒初國子月給錢為會饌費
 然歛散不常多不時給則貯為公費其來已久會有不快於
 前祭酒邢讓者言讓以公錢人已事并及鑑會官廷問讓辨
 不已鑑曰吾為祭酒安能對刀筆吏掉口舌竟不吐一辭適
 有從中醞釀之者與讓俱除名未幾卒鑑平生無聲色之奉
 多藏法書名畫其使朝鮮以妓女侍作詩卻之夷人敬服所

著有方庵集

姑蘇志

鄭文康字時乂其先汴人南宋始家於崑世為帶下醫父壬字

有林天性孝友沈毅簡重博學強記精醫術人稱雙松先生
 文康長身偉軀目光眈眈射人尙友古人氣蓋一世登正統
 戊辰進士見者咸以公輔期之觀政大理寺聞父病請歸養
 未抵家而父亡母亦尋卒悲悼數年加苦宿疾遂不復仕家
 居枕籍經史雖病不少休尤善經生義出其門者多取科第
 好談忠孝節義表善興賢闡幽弔古若嗜欲然為詩文頃刻
 數千百言稿成輒為人持去其存者有平橋集十八卷多記

載時事有益勸懲而文尤簡質有法度

王張二傳縣志合纂
王志堅曰文康嘗

自言少時有友十人日以倡和講學游從為事當時有忌者
 呼為十鐸方言鐸猶癡也至為十鐸詩其後皆有官或為聞
 人十人者沈愚及弟魯自有傳陳助見陳睥傳周敘字叔倫
 以貢官主簿張謙字克讓以貢官知縣夏祐字存賢以薦官

人物

文苑三

三

鑄印大使沈祥同登進士官參議黃琚呂穆皆隱居不仕琚鐸之子也又有周號者文康妹婿工篆隸及畫梅凡文康探奇弔古之事皆爲佐之

陳頎字永之長洲人景泰元年領鄉薦明年以乙榜授湖州府學訓導內艱改荊州又以祖母喪改陽武年五十五乞致仕頎博學工古文而清修介特其爲師不立教條而人多感化之湖州發地得奇石或謂可載歸爲斲頎曰此固非吾家物也棄不取在荊州太守錢公故人也知其貧贈一官馬他日納還之曰受則傷廉亦爲公汙少通醫及老亦資以自給所著有味芝居士集

吳寬誌

湯洪字宗範常熟人嗜學至廢寢食泛涉諸經治書尤精提學

彭昂論南士經學以洪爲首舉景泰庚午鄉試授江山縣學訓導陞祁州學正仕不得意遂棄去家窶甚劬書得日晷吳士劉欽謨以學自雄人莫與抗一日聽洪講歛衽歎服逡巡避去博覽強記人以書尉目之

鄧志

李應禎名姓以字行更字貞伯長洲人景泰癸酉舉人入太學中官牛玉請爲塾師固拒之選授中書舍人直文華殿同官多由他途以進取與爲伍乞改教官補外不許慶成宴中書舍人坐給事中御史下應禎奏非舊制詔命寫佛經抗疏上言臣聞爲天下國家有九經不聞有佛經也上怒命扑之後陞兵部郎中尙寶司卿再陞太僕寺少卿皆在南京引年致

仕應禎好古博學篆楷俱入品格文詞簡健喜面折人過人多畏之卒之日無以爲歛友人文林史鑑買地以葬焉

姑蘇志

杜庠字公序長洲人少從崑山張和學同輩忽之張曰此進士才也不二年遂占應天鄉試登進士知攸縣頃之罷歸庠有逸才嘗過赤壁題詩有警人句人呼爲杜赤壁仕不得志遂放意詩酒往來湖浙閒嬉笑怒罵咸發於詩所著有楚游集

江浙歌風

姑蘇志

沈鐘字仲律長洲人天順庚辰進士終山東提學副使與章懋

羅倫友善時偁十君子好賦詩多至萬餘首

通志

朱萱字樹之崑山人天順八年進士授大理評事萱能詩歌筆

翰皆有師法而泊然自守年輩有第望劣於萱而位出其右

者衆或不平萱曰出處固有命耳畧無愠色以疾乞歸卒葉

盛爲誌其墓深惜其不究用焉

王志堅傳

徐震字德重西洞庭人家世好文少從陳繼學詩有弔項羽廟

睢陽懷古輓岳武穆詩傳播人口與西蜀晏鐸海昌蘇平唱

和與十才子之列久之謝賓客歸山中垂簾焚香雖鄰里無

行跡日賦詩自娛年七十八卒

二志蓋

桑悅字民懌常熟人讀書過目輒焚棄曰已在吾腹中矣敢爲

大言以孟子自况或問翰林文章曰虛無人舉天下惟悅其

次祝允明又次羅玘悅爲諸生上謁監司曰江南才子監司

大駭延之校書預刊落以試悅文義不屬者索筆補之年十九舉成化元年鄉試試春官答策語不雅馴被斥三試得副榜年二十餘耳年籍誤二爲六遂除泰和訓導學士邛濬重其文屬學使者善遇之使者至問悅不迎豈有恙乎長吏皆銜之曰無恙自負才名不肯謁耳使者遣吏召不至益兩吏促之悅怒曰始吾謂天下未有無耳者今乃有之與若期三日後來賣則不來矣使者恚欲收悅緣濬故不果三日來見長揖使者怒悅脫帽竟去使者下階謝乃已遷長沙府通判調柳州外艱歸遂不出居家益狂誕鄉人莫不重其文而駭其行初悅在京師見高麗使臣市本朝兩都賦無有以爲恥

遂賦之居長沙著庸言自以爲窮先天人之際所著書頗行

於世

明史

莫旦字景周吳江人震子博學工詩文成化改元領鄉薦卒業太學作一統賢關二賦名動京師授新昌訓導遷國子監學正乞歸年八十餘卒旦平生著作甚多嘗論吳澄以宋臣仕元不當列從祀趙孟頫以宗室事讐不得爲名臣皆名言也所撰吳江志積三十餘年始成典雅可觀又有新昌志鱸鄉集行於世

舊志

陸欽字鼎儀崑山人少與太倉張泰陸容齊名號婁東三鳳舉天順八年會試第一成化二年殿試第二授編修預修英宗

實錄遷修撰侍皇太子講讀欽進退閑雅敷奏明粵滿九載
 擢諭德孝宗立進太常少卿兼侍讀充經筵日講官得疾乞
 歸卒年五十詔賜祭葬官其子爰中書舍人欽在詞林以端
 謹清峭稱其文簡勁有法詩亦如之所著有春雨堂稿春秋
 抄略爰字子引負才喜聲詩作字端勁屢使藩府饋遺無所
 受忤劉瑾致仕後起原官遷禮部主事見姑蘇志三十一
 張習字企翔吳縣人成化己丑進士授禮部主事歷員外郎出
 為廣東提學僉事喜為古文詞尤喜搜葺郡中遺文故實一
 時號為博雅前輩文集多所梓行嘗纂蘇州志未成而卒姑蘇
 志 習父曉
 初見孝義傳

奚昌字元啓吳縣人少游鄉校有雋聲正統甲子以易經中鄉
 試七試禮部不中遂易尚書諸經亦皆涉獵酷好作詩每大
 眾中舉手搖足輒為推敲之狀或見其不利也以是尤之昌
 曰彼不售者豈盡以詩邪後進生得昌指授多取高第年且
 五十始中成化己丑進士笑曰吾舉業豈至是始工邪明年
 卒於京師昌平生賦詩甚多妻惡其苦吟盡取其稿焚之故
 其集無傳如蘇志

徐庸字用理吳郡人采輯永樂至正統四代之詩為湖海耆英
 集十二卷鄭亮為之序同時有王越字孟南孫寧字繼康俱
 長洲人談震字克威盛箴字仲規張野字君文俱吳縣人皆

以詩名舊志

尤愚字通理號倥侗生崑山人父方字孟舟清修好學積書數千卷皆親點校愚博涉百氏以詩名吳下與劉溥諸人偁十才子其詩清美圓熟尤長於古風有篋籟集二十卷吳猷集五卷善行草曉音律詩餘樂府傳播人口斂跡不出業醫授徒以終其身弟魯字誠學專攻古學為文奇麗博一時稱為作者制行修潔居家孝友所著有經制權畧人倫師表坐道論老成集等書姑蘇志參王志堅傳

錢洪字理平常熟人與兄寬字理容世家奚浦能詩好客一時名輩如劉溥湯允勤沈周皆與之游兄弟皆度量闊達洪愛

種竹堂曰竹深處寬號柳溪錢陸燦志

陳蒙字允德常熟人正統中四明蘇秉衡號能詩蒙喜步驟之遍擬楊伯謙唐音一走筆數十篇泉沃雲涌卒以詩人稱用薦上公車與盡遄返名其紀行集曰泛雪又自號東家生沈周誌其墓世父符字原錫亦有詩名詩專

崔激字淵父吳江人少為諸生已厭場屋之習及入太學遂絕意進取出所藏經史閉門誦讀窮日夜不休三年學成從其師曹孚謁同郡吳寬沈周諸名公質疑訂惑必揮其底蘊而後已尤工於詩氣象風格力追唐人卒年僅二十九有傳譽

集十二卷松陵文獻

浦應祥字有徵為諸生有文譽成化丁酉舉於鄉歷高州同知

王鏊修姑蘇志應祥多所撰述舊府志

姚明字景昭吳江人家長橋之南號月橋居士重厚寡言笑工

古今詩文有所作人爭傳以為式兼善書法成化十二年舉

於鄉授貴溪知縣調南靖母喪歸令子坐事論死走京師訟

之遇疾卒有月橋遺稿松陵文獻

趙寬字栗夫吳江人少聰慧有聲場屋成化十七年會試同郡

吳寬主試得其卷大驚置第一授刑部主事歷郎中執法不

撓在部十四年以明允稱出為浙江提學副使品鑑精敏凡

七年士風為之一變遷廣東按察使卒寬為人平易閒雅人

樂與交為文豐贍葩藻下筆數千言立就詩亦清俊以未嘗

屬草多散佚僅存半江集十二卷同邑吳鏊字汝礪少不羈

好學工詩與寬齊名兼善書法成化二十三年進士授兵部

主事歷員外郎郎中卒所著有懶溪集姑蘇志徐志合纂

楊循吉字君謙吳縣人成化二十年進士授禮部主事善病好

讀書每得意手足踔掉不能自禁用是得顛主事名一歲中

數移病不出宏治初奏乞改我不許遂請致仕歸年纔三十

有一結廬支硎山下課讀經史旁通內典稗官父母歿傾貲

治喪寢苦墓側性狷隘好持人短長又好以學問窮人至頰

赤不顧清寧宮災詔求直言馳疏請復建文帝尊號格不行

武宗駐驛南都召賦打虎曲稱旨易武人裝日侍御前爲樂
序小令帝以優俳畜之不授官循吉以爲恥閱九月辭歸既
復召至京會帝崩乃還嘉靖中獻九廟頌及華陽求嗣齋儀
報聞而已晚歲落真益堅癖自好尙書顧璘道吳以幣贄促
膝論文歡甚俄郡守邀璘將赴之循吉忽色變驅之出擲
還其幣明日璘往謝閉門不納卒年八十九其詩文自定爲
松籌堂集他所作又十餘種幾及千卷

明史

施鳳字鳴陽修撰槃姪隨祖商淮陰勤誦讀嘗經孟子河與儕
輩閱道傍碑一過歸而書之不失一字倪文僖爲南京禮部
尚書以所業往見文僖驚焉爲介於陳御史直夫直夫喜曰

從吾游者多矣好古不同流俗惟鳴陽一人鳳益潛心理學
歸矣提學御史戴珊敦遣入試以病辭錢學士溥以經明行
修薦亦不就於墓所授徒闢園鑿池養魚種樹食貧礪行不
以干人孝友恭慎家人輩皆化之初鄉有狂悖數犯鳳鳳不
校益厚之其人卒悔改晚構一亭於松竹閒客至相與宴飲
怡然終日王鏊爲作貞同高士傳

本岡高士傳

戴冠字章甫長洲人博學多識刻意爲古文辭負氣矜伉無所
推與王恕撫吳時重之後以貢至京恕適掌銓冠列上十事
多所規切授山陰訓導考論著述不少意初冠爲諸生紹興
有爲御史督學南畿者以文學自負冠嘗有所指摘御史銜

蘇州府志 卷九十一
之欲論黜而不果至是邂逅有言不相下他日其人病死其家訟冠以爲恚而死也遂歸卒年七十一所著濯纓亭集等

書不盡傳然亦甚迂腐

王志堅府志前

朱存理字性甫長洲人少學制科謝去從社瓊先生游自少至老未嘗一日忘學居恒無他過從惟聞人有異書必從訪求以必得爲志手自繕錄前輩詩文積百餘家他所纂集若鐵網珊瑚野航漫錄經子鉤元吳郡獻徵錄名物寓言鶴岑隨筆又數百卷既老不厭而精力不加又坐貧無以自資其書旋亦散去每撫之歎息卒於正德閒年七十所著野航詩集鳩循吉敘之今不傳同里朱凱字堯民與存理齊名文徵明

誌存理墓曰兩人皆不仕又不隨俗爲屢井小人之事日惟挾册呻吟求昔人理言遺事而識之對客舉似如引繩貫珠纚纚不能休素皆高貲悉費以資其好不惜也成化宏治閒其名奕奕於郡城之東人稱兩朱先生正德壬申堯民死明年性甫死自兩人死吳中故實無所考凱集不傳有句曲記游詩一卷徵明又言吳有閻起山秀卿者家惟一僮日走從人家借書手抄口吟日夜不閒所獲學俸盡費爲書資家貧不能炊質衣以食而翫其書不忍棄竟以積勞得疾歿死

舊志

九疇字公範常熟人弱冠卽獻科舉有志性理之學嘗讀周子通書疑其倫次無統因其遺文九篇之語遂以其意定爲

九篇篇有解以程氏之學莫大於求仁之求仁至言憫東南
故水患而白茆廢不治為述水利事宜一書九疇於象緯
 占候方技之學無所不窺嘗與錢承德入郡泊岸下命亟移
 舟錢問故曰此有火厄頃而火作延藝池舟所著有悅齋集
 第九韶字公美記覽精博以謹介鄧志

蘇州府志卷九十八終

蘇州府志卷第九十九

人物目錄

文苑四

明

祝允明 子續

都穆

錢仁夫

唐寅

張靈

黃雲

丁奉

鄒泉

徐禎卿 子伯虬

姜元

徐縻

黃魯曾 子河水

黃省曾 子姬水

王渙 陸南

陳理

陳策

盧襄

文徵明 子彭嘉

蔡羽

梁鳴鸞

王寵 兄守

湯珍

張本

俞國振

錢同愛

王懋明

陳道復 子枚 柘

袁表

袁褰 兄表 褰 表子年

顧聞 子孟林

王穀祥

吳中英

勞珊 子遜志

皇甫湜 兄冲 弟沆 濂

陳師道 子士仁

金世龍

劉鳳

孫樓

瞿景淳 子汝稷 汝說

邵圭潔 子整

袁尊尼

顧夢川

彭年 父昉

錢穀 子允治

鄭若庸

張鳳翥 曾祖景 弟翥 翥 燕翼

王叔承

王逢年

俞允文

薛學敏 夏暉 王庚

張應武

張士瀾 祖寬 父廷臣

陳敬純

張元凱 子孟孺

袁一虬

沈位

徐應雷

周鄰孔

陸嘉觀

魏學禮

徐漢稚

李萌 陸炳

孫袖

沈本初

傅遜

陳可言

吳橋

弟相

俞安期

子南史

徐桂

管一德

吳默

兄之勇

顧雲鴻

邵濂

莊元臣

兄憲臣

王志堅

弟志長

志慶

俞琬綸

宋奎光

張大復

陳元素

張丑

父應文

顧同應

龔璉

文肇祉

錢希言

馮復京

子舒

瞿純仁

潘一桂

卜舜年

莊培

陳宗之

葛一龍

馮夢龍

葉紹袁

父重第

周永年

史元

趙煥

吳翻

弟翻

何允滋

錢安修

毛晉

父清

子屐

許重熙

許元溥

林雲鳳

孫元凱

湯傳楹

陳裸

楊彝 子靜

孫永祚

鄭敷教 陸坦

朱隗 弟陵

何兆清

蘇州府志卷第九十九

人物

文苑四

明

祝允明字希哲長洲人參政灝之孫宏治五年舉於鄉久之不
 第授廣東興寧知縣捕戮盜魁三十餘邑以無警稍遷應天
 通判謝病歸嘉靖五年卒允明生而枝指故自號枝山又號
 枝指生五歲作徑尺字九歲能詩稍長博覽羣書其文詭奇
 氣當筵疾書思若湧泉尤工書法名動海內好酒色六博善
 新聲求文及書者踵至多賄妓掩得之惡禮法士亦不問生
 產有所入輒召客豪飲費盡乃已或分與持去不留一錢晚

益困每出追呼索逋者相隨於後允明益自喜所著有詩文集六十卷他雜著百餘卷子續正德中進士仕至廣西左布

政使

明史

郝穆字元敬吳縣人宏治己未進士授工部都水主事歷豐部

主客郎中年五十四乞休加太僕少卿致仕又十四年而卒穆七歲能詩及長不習章句泛濫羣籍教授濠上幾二十年吳文定公爲言之學使乃得補博士弟子三年而舉進士爲郎奉使至秦中訪問其山川形勢故宮遺壤作西使記搜訪金石遺文作金薤琳琅錄歸老之日齋居蕭然日事讐討或至乏食輒笑曰天壤間當不令都生餓死晏如也吳門有娶婦者夜大風雨滅燭遍乞火無應者雜然曰南濠都少卿家有讀書燈在扣其門果得火其老而好學如此穆少與唐寅交最莫逆寅鎖院得禍穆實發其事寅誓不與相見而吳中諸公皆薄之穆晚年亦深自悔恨云

舊志

錢仁夫字士宏號東湖少學於邑人陳九疇聞性理之學宏治己未舉進士時年五十四矣或勸減年以便仕進仁夫曰方仕而爲欺罔乎授都水主事分司臨清領衛河提舉司兼理溝渠閘事會省冗官又兼理磚廠還朝改虞衡司故事輪役匠免役出銀解部歲久匠戶亡耗過半而官徵不已里役以爲累仁夫議請徵匠以補其缺悉蠲其舊負者會孝宗以逃

匠問尚書曾鑑鑑對如仁夫議乃盡除無徵者監稅浙江還朝遷營繕員外郎逆瑾方竊政遂引疾致仕後瑾益張誣逮中外官一時清望皆不免人始服其明決性好客座常滿內行修謹與弟性夫友愛置棗義莊以助疾人

博學多文

雅贍詩和緩所著歸閒文纂八卷水部詩歷八卷善楷隸書

山水竹石有逸致

鄧管二志合纂

唐寅字伯虎一字子畏吳縣人性穎利與里狂生張靈縱酒不事諸生業祝允明規之乃閉戶浹歲舉宏治十一年鄉試第一座主梁儲奇其文還朝示學士程敏政敏政亦奇之未幾敏政總裁會試江陰富人徐經賄其家僮得試題事露言者

劾敏政語連寅下詔獄謫為吏寅恥不就益放浪形迹遠遊祝融匡廬天台武夷觀海東南浮洞庭彭蠡歸益窮研造化尋究律歷求揚馬元虛邵氏聲音之理而贊訂之旁求風鳥工道太乙出入天人間寧藩宸濠慕其名厚幣聘之寅察其有異志佯狂使酒露其醜穢宸濠不能堪放歸其於應世詩文不甚措意謂後世知我不在是奇趣時發或寄於畫下筆輒追唐宋名匠亦不盡其所至晚乃皈心佛乘自號大如象

室桃花塢與客日般飲其中年五十四而卒

祝允明誌明史合纂

張靈字夢晉吳縣人家故貧靈始讀書為府學弟子性聰慧文思便敏好交游任俠嗜酒與唐寅善寅嘗邀遊虎邱會

蘇州府志 卷九十九
數賈飲於可中亭且賦詩靈更衣爲丐者賈與之食啖之且
與談詩詞辨雲湧賈始駭令賡詩揮毫不已凡百絕抵舟易
維繫蘿陰下賈使人跡之不得以爲神仙也督學御史方誌
不喜古文詞遂見斥靈能畫人物高遠有致惟掩其粹尋之
莫可購取舊志附唐寅傳

黃雲字應龍崑山人家貧好學嘗就藏書家借錄輒能記憶凡
刑名錢穀水利算數軍旅儀制無不究心期爲有用之學宏
治中以貢授瑞州府訓導嘗廷謁監司恥之輒欲解組去時
邵寶爲提學劉璣爲郡守待以殊禮屢慰留之丁外艱歸遂
絕意仕進雲爲文得眉山遺意一時碑版之作以出其手爲

重然非其好終不與歲飢見親族孤嫠時復收養雖屢空弗
恤也性方嚴不能作軟美態年七十餘卒所著有丹巖集

王

堅
傳

丁奉字獻之號南湖常熟人少孤力學舉進士授南京文選主
事晉驗封郎中丁內艱歸有旨擢用吏部尙書陸完手書促
赴奉反致書完勸其功成身退遂以原官致仕年方三十八
耳其後完敗交遊多株連奉以前書免於累論高之曰乃
沉酣六籍著五經臆言四十卷通鑑節要五十卷南湖留橐
十二卷巡撫歐陽鐸金刻其集奉念故友湯繼文五喪未
舉卽以賻之

管龔二志合纂

鄒泉字子靜號嶧山常熟人少美風儀長而有聲庠序間訓誨諸生精研書義游其門者多取科第晚棄舉子業著書澗谷山中有四書折衷翼衷口義會粹詩經約說經世格要尚論編宗聖譜梓行於世巡按御史甘士价造其廬咨訪禮稱爲吳與弼之流卒年七十餘無子

管志

徐禎卿字昌穀一字昌國常熟人遷吳縣資穎特家不蓄一書而無所不通自爲諸生已工詩歌與里人唐寅善寅言之沈周楊循吉由是知名舉宏治十八年進士孝宗遣中使問禎卿與華亭陸深名深遂館選而禎卿以貌寢不與授大理左寺副坐失囚貶國子博士禎卿少與祝允明唐寅文徵明齊名號吳中四才子其爲詩喜白居易劉禹錫旣登第與李夢陽何景明游悔其少作而趨漢魏盛唐然故習猶在夢陽譏其守而未化卒年三十有二禎卿體癯神清詩鎔鍊精警爲吳中詩人之冠年雖不永名滿士林子伯虬舉人亦能詩

明史

姜元字元仲吳江人少博學嗜酒不就博士弟子試與邢參游慕好之居湖濱足未嘗輕詣人或使其子弟學焉亦時謝遣之朝起視盎中粟稍可炊卽閉戶吟誦歲中所遇相善者率不出百里晚年善黃魯曾徐鱗魯曾蓋師事徐姜也徐詩尙華美姜務雅澹極意陶鍊每成一詩輒復捐去着思再三芒藻幾盡不爲時流所知或諷其少貶執道愈堅以知希爲貴

蓋亦詩家之逸民

舊志

徐縝字紹卿世居洞庭山祖德輝富敵國父天常以輕財損其家父卒其母蔡攜縝依同母弟羽以居縝少為諸生受學於舅氏詩文皆得其指授長與黃省曾兄弟善初名陵字少卿慕李陵之為人跌宕自喜時從少年為狎游數射策不中遂棄去晚年食貧喪子一老女寡居踰年一入城市寄浮屠舍蕭然如旅人皇甫汙及張敕劉鳳爭延致之雖篤老論辨逢勇意氣勃發少年弗如也年八十六而卒黃河水稱其詩貴華彩尚標致經管用思愈老愈深皇甫汙為醵金刻其集序而傳

舊志

黃魯曾字得之蘇州衛人正德丙子舉於鄉以易魁其經十五年而弟省曾亦以春秋首舉省曾一再試不利輒棄去為古學而魯曾與中表皇甫冲海鹽王文祿老於公車嚴嵩聞三生才久因欲招致之不能得省曾卒又十五年魯曾年七十五治裝將北行屬疾而卒魯會長身修髯狀貌類河朔大俠父暉授產千金悉以寘書其學無所不窺省曾事李夢陽薰染北學魯曾詞必已出不欲寄人籬下性狷介寡合與皇甫兄弟中外親特相善每相和為詩先是楊循吉有吳中往哲記魯曾採擷續之又輯兩漢博聞今皆行於世子河水初名德水字清父為諸生不事生產父卒家益落日坐空樓讀書

嘗至都門感時歎逝皆韻而爲詩曰燕市集及歸徧涉山川

紀游勝事曰碧雞集國華集年僅四十三卒

王志堅傳

黃省曾字勉之六齡好細素古文解通爾雅弱冠與兄魯曾散金購書覃精藝苑先達王鏊楊循吉皆爲延譽後南游尚書喬宇之門嘉靖辛卯魁鄉榜累舉不第交游益廣王守仁講道越東省會執贄往見作會稽問道錄又從湛若水游李夢陽以詩雄於河洛又北面稱弟子受學焉爲文學六朝好談經濟每月朔望必陳五經而拜之所著有五嶽山人集又有經說易繫奧旨懷賢錄詩言龍鳳等書子姬水字淳父生而穎敏省曾出入必攜之俱有所占屬每令同賦省曾拙

於書命姬水學書於祝允明遂傳其筆法性至孝哭父母成疾遂棄諸生業嘉靖乙卯避倭難僑寄金陵六年歸盡斥其田產以供婚嫁衣食不能卒歲而所蓄敦彝法帖名畫甚富一室之中斐几瑩潔筆硯精良焚香晏坐忻然忘老省曾嘗輯高士傳因頌貧士以見志焉所著有白下高素齋二集

舊志

王渙字渙文長洲人正德己卯舉於鄉授嘉興府通判改東川軍民府未上而卒渙博綜羣籍鑄詞多不經人道尤工古賦得漢魏遺意詩宗白傅晚喜陸放翁范石湖所著墨池堂集今不傳僅存襍賦及墨池瑣錄渙少與文徵明齊名吳俗祀神必祝云生子當如陸南王渙文徵明南亦吳人與渙同舉

於鄉文徵明誌

陳理字君明吳江同里人少為諸生器岸軒特文筆雄健正德中提學御史張璿行部再試皆第一命擬作請立先賢子游後奏記理授筆立就璿稱善五舉鄉試不第而卒嘗修縣志未就有同川集宋元遺事陳氏族譜四禮規諸書藏於家舊縣志

志

陳策字獻可吳江人博極羣書為詩文冲暢典核嘉靖改元領鄉薦授曹縣學教諭卒於官繼妻丁氏撫尸痛哭嘔血數升次日亦卒曹人異之所著有說鈴九華集東行集曹縣志松陵

文獻

盧襄字師陳吳縣人雍弟嘉靖癸未進士授刑部主事改兵部陞禮部員外郎遷職方郎中尋改武選襄歷三部所在職辦諸尚書並器重之陞陝西右參議父憂歸尋卒襄長身子立矜嚴自持羣坐中不妄出一語尤善廉事有所審畫必中事機為文敷腴明暢詩尤精詣所著有五塢草堂集石湖文略

文徵明墓表

文徵明長洲人初名璧以字行更字徵仲別號衡山父沐為溫州知府卒於官吏民贖千金為賻徵明年十六悉卻之吏民修故卻金亭以配前守何文淵而記其事徵明幼不慧稍長穎異挺發學文於吳寬學書於李應禎學畫於沈周皆父友

也又與祝允明唐寅徐禎卿輩相切劇名日益著其爲人和而介巡撫俞諫欲遺之金指所衣藍衫謂曰敝至此邪徵明佯不喻曰遭雨敝耳諫竟不敢言遺金事寧藩宸濠慕其名貽書幣聘之辭病不赴正德末巡撫李充嗣薦之會徵明亦以歲貢生詣吏部試奏授翰林院待詔世宗立預修武宗實錄侍經筵歲時頒賜與諸詞臣齒而是時專尙科目徵明意不自得連歲乞歸先是林知温州識張璉諸生中璉旣得勢諷徵明附之辭不就楊一清召入輔政徵明見獨後亟謂曰子不知乃翁與吾友邪徵明正色曰先君棄不肖三十餘年苟一字及者弗敢忘實不知相公與先君友也一清有慚色

尋與璉謀欲徙徵明官徵明乞歸益力乃致仕四方乞詩文書畫者接踵於道而富貴人不易得片楮尤不肯與王府及中人曰此法所禁也周徽諸王以寶玩爲贈不啓封而還之外國使者道吳門望里肅拜以不獲見爲恨文筆遍天下門下士贖作者頗多徵明亦不禁嘉靖三十八年卒年九十矣長子彭字壽承國子博士次子嘉字休承和州學正並能詩工書畫篆刻世其家彭孫震孟自有傳吳中自吳寬王鏊以文章領袖館閣一時名士沈周祝允明輩與並馳騁文風極盛徵明及蔡羽黃省曾袁袞皇甫沖兄弟稍後出而徵明主風雅數十年與之游者王寵陸師道陳道復王穀祥彭年周

天球錢穀之屬亦皆以詞翰名於世

明史

蔡羽字九遠居吳縣包山自號林屋山人爲人高朗疎俊聰警絕人少失怙母吳親授之書輒能領解年十二操筆爲文有奇氣稍長盡發家所藏書讀之爲文必先秦兩漢詩早歲微尚纖縟旣而滌除靡慢一歸雅馴晚更沉著時出奇麗見者謂雖長吉不過乃大悔恨曰吾詩求出唐晉上今乃爲李賀邪其自標表不肯屈抑如此羽故遠於易爲程文以應有司閱四十年不售嘉靖甲午以貢赴選部卿雅知其名曰此吾少日所聞蔡羽今猶滯選調邪奏授南京翰林院孔目居三年致仕歸卒所著有林屋南館二集

文徵明誌

梁鳴鸞字九章崑山人泉州同知統子好學博覽有知人之識歸有光幼時鳴鸞一見許以國士嘗作史論四十卷所至必以自隨嘉靖初以貢授黃岡教諭舟行至青山磯風波大作舟幾覆鳴鸞攝衣危坐數問從者史論在否語不及他晚歸食貧時顧鼎臣在政府家人謀謁之度其必不可乃託他事入舟旣而覺之指河水自誓家人惶遽反鳴鸞受業弟子多顯人秦鰲嘗欲刻其書而不果今其書已亡而歸有光所爲

序尙存

王志堅傳

王寵字履仁更字履吉其先吳江人本章姓父爲後於王遂爲吳縣人寵少學於蔡羽居洞庭三年旣而讀書石湖之上二

十年非省視不入城市與文徵明唐寅友善為諸生入試鎖院不利以年資貢入太學僅四十而卒寵資性穎異於書無所不窺而尤詳於經手寫經書皆一再過文學遷固詩好建安三謝行書疎秀得晉法風儀玉立舉止軒揭猥俗之言未嘗出口蘊藉自將對人未始言學温醇恬曠與物無競人擬之黃叔度兄守字履約舉進士由給事中歷官右僉都御史

巡撫鄖陽

文徵明誌

湯珍字子重本嘉定人徙長洲之碧鳳里為郡諸生有名博綜羣籍以貢入太學謁選時或勸為之地謝不往得崇德縣丞一以平易為治嘗一再攝縣不加咎責而事自辦民愛之稱

為佛子而上官顧以為遲頓竟以上官歸珍為文富瞻典則尤長於詩與文徵明蔡羽王寵兄弟友善彭年及徵明二子彭嘉俱師事焉既歸治別業虎邱之側讀書著文以老卒年

六十六

文徵明誌

張本字斯植東洞庭人少試有司名在高等而吏誤書張木適有張木者冒其名本弗與競後復試輒不利遂棄去從王文恪公鑿學文詞公素慎許可本獨能當公意嘗為道士賦九月梅花詩都穆見而亟稱之由是知名有門生得其大父遺金謁寄焉拒之乃自埋於館下無何死本白其父父兄感泣欲分遺之本笑曰使予欲之豈復令君知哉嘗行園有盜其

果者驚墮地本慰遣之生平探討掇菁咀華悉以爲詩所著
有五湖漫稿黃姬水張獻翼爲之序

陸師道傳

俞國振字終玉號萬谿長洲人少穎敏有遠志師事錢貴銳意
於學汎濫經史百家文詞蠡涌援筆數千言立就已從魏校
游聞辨志之說又從鄒守益聞良知之學遠近來學者甚衆
以貢選袁州府學訓導日課諸生以經術行業相切劘袁人
士嚴重國振他學官忌之遂免歸貧居吟誦不輟一日夢道
士索煙霞二十斛求寄兩股間驚寤曰吾將逝矣閱二日竟
卒國振平居喜論當世事以經濟自負所著有甲辰政議三
教考略武臣經世略君相極言錄凡若干卷

王志堅府志稿

錢同愛字孔周長洲人祖瑛精於醫見藝術傳同愛博學好結
納先與唐寅徐禎卿文徵明善唐徐既歿又與王寵湯珍游
好時日不見輒奔走相覓見則文酒談笑評隲古今或書所
爲詩文相討質性喜書每併金懸購所積甚厚爲文奇崛深
奧尤長尺牘浮沉諸生者二十年遂自免卒文徵明誌其墓

王志堅府志稿

王懋明字僅初長洲人早歲英爽讀書經日輒誦哀撮舊聞多
所撰述人稱爲經笥爲學士華察所知僑居錫山時以察與
懋明及施漸姚咨爲錫山四友

舊志

陳道復初名淳字道復後以字行更字復甫別號白陽山人長

洲人都御史璫之孫少從文徵明游凡經學古文詞章書法
畫品咸臻其妙其後書畫自成一家家本大族饒富父歿不
屑親家政已而北游入國學盡付其家於僕人業以大損然
絕不介懷惟讀書玩古從高人勝士從容詩酒興酣則作大
草數紙或雲山花鳥識者以爲入神也所棲曰五湖田舍有
茂林修竹花源柳隩鴨闌鶴圃酒帘漁艇極幽居之勝城中
舊第留一子守之以奉祭祀間爲人所強扁舟野泊信宿而
返晚歲詞翰之重不減沈文二先生張寰嘗評曰有雲林之
飄灑而無其癖同石田之高潔而通於和論者以爲當卒年

六十二子枚善書枯善畫

王志堅
府志稿

袁表字永之吳縣人七歲賦詩有奇語嘉靖乙酉舉鄉試第一
明年成進士時張璫爲學士讀表卷欲首薦同事者抑置二
甲選庶吉士璫亟言於表欲見德而表不謝亦不謁乃密言
於上謂諸吉士皆少年浮薄非大器出表爲刑部主事改兵
部武選未幾司署火表適代其友當夕在法徼巡失警當調
官而璫憾未已獄吏承望風旨坐以故縱火謀爲姦利當斬
鍛鍊無所得乃減死戍湖州會赦歸以薦起補南京武選主
事歷職方員外郎出爲廣西提學僉事兩廣自韓雍後監司
謁督府率庭跪表獨長揖尋謝病歸讀書橫塘別業著皇明
獻寶胥臺世緯吳中先賢傳等書年僅四十六而卒子尊尼

自有傳

明史名賢小紀
文徵明誌合纂

袁褰字尚之表仲兄吳縣學生屢試輒第一七赴應天試不利
 循例入太學博學善屬文凡有司至吳者聞其名輒折節與
 交性充潔尤長於詩繪花鳥有逸趣書法入米元章之室晚
 耕謝湖之上自號謝湖所著田舍集游都三藁譜系八述并
 編類金聲玉振等稿甚夥兄表字邦正由太學生授西城兵
 馬司指揮改南京中城陞臨江通判為人耿介在南京以事
 忤權貴致繫獄人歎其直長於歌詩與昆弟及文徵明王寵
 輩相倡和有江南春集弟褰字與之太學生身長七尺音如
 鉅鐘輕財好施潛心讀書不喜浮屠老子之術晚築室桃花

塢抱膝長吟於聲勢泊如也所著有東窗筆記括囊稿子年

萬厯丁丑進士厯官陝西按察使

汪琬袁氏六俊傳 按六
俊謂表褰袞袞表也袞

顧聞字行之吳人河南參政福之子舉嘉靖戊子鄉試性嗜古

文上公車輒不利寄傲詩歌所著有九變山人集子孟林字

山甫少卽棄諸生隱居食力耿介絕俗獨與長洲陸舒枝爲

詩友知縣傅光宅重其才品時過訪山中流連不忍去卒未

嘗投足公庭常獨坐微吟兀兀若醉自稱兀然先生其詩稿

較父爲多

王世貞序

王穀祥字祿之長洲人家世名醫穀祥始讀書性穎敏美姿容

善書畫屬古文詞嘉靖己丑成進士選庶吉士改工部主事
調考工進文選員外郎代郎中司選事尚書汪鉉秉銓不公
穀祥持法不阿因數與忤意忽忽不樂念母老乞歸養而其
兄故在鉉用例格之謫真定通判遂歸養母幾三十年持身
峻潔不妄交一人手錄古文籍至數百千卷成精好不忍觸
手以詞翰徵者輒不應杜門卻掃焚香而坐一室之內琳琅
金薤謚如也李默爲吏部尚書奏起之穀祥不赴最後徐階
當國起補南選部復不赴或勸駕者穀祥笑曰豈有青年解
綬白首彈冠者乎卒年六十七

姑蘇名
賢小紀

吳中英字秀甫一字純甫崑山人生而奇穎好讀書父爲置書

千卷恣所欲觀童年入鄉校及長師事黃雲爲古文詞試輒
高等縣嘗召役其父中英抵書縣令方豪豪年少有文學莫
可當意得書以爲奇引與游甚歡自是名日益起性豪舉不
拘拘小節父卒遺貲甚厚中英視故券有不能還者悉焚之
又好娛樂以聲色六博自豪傾其家久之乃更折節自矜平
居與其徒考古論學雖先儒已有成說必反覆其所以不爲
苟同所獎許多成佳士李憲卿歸有光皆於未知名時預以
遠大期之人以爲神而中英猶爲諸生嘉靖辛卯舉於鄉年
四十四矣試禮部不第益厭世事營城東地藝橘千株鬻以
自給閉門不復有所往還惟令兒女環侍几旁誦詩書而已

卒年五十一所著有東臯集

王志堅傳

勞珊字鳴玉西洞庭人博通經史性孝友中嘉靖甲午鄉試連上禮部不第遂不復出鄉人重之私謚貞靜子遜志字惟敏

隆慶辛未進士授安吉知州陞刑部郎中出知潮州府嚴郤

例美一意釐剔姦弊不阿上官遂議調簡卒

牛若麟縣志

皇甫濬字子安長洲人父錄

傳另見

生四子冲濬沆濂冲沆同登

嘉靖七年鄉薦明年沆第進士又三年濬第進士又十三年濂亦第進士而冲尚爲舉子兄弟並好學工詩稱皇甫四傑冲字子浚善騎射好談兵遇南北內訌幾策兵統枕戈襍言三書凡數十萬言濬初授工部主事改禮部歷儀制員外

郎主客郎中在儀制時夏言爲尙書連疏請建儲皆濬起草故言深知濬才比簡官僚遂用爲春坊司直兼翰林檢討言者論濬改官有私謫廣平通判量移南京刑部主事進員外郎遷浙江僉事大計京官以南曹事論罷邑邑發病卒濬沈靜寡與自負高俊稍不當意終日相對無一言居官砥廉隅然頗操切多忤物故數被讒謗云沆字子循七歲能詩官工部主事名動公卿沾沾自喜用是貶秩爲黃州推官屢遷南京稽勲郎中再貶開州同知量移處州府同知擢雲南僉事以計典論黜沆和易近聲色好狎游於兄弟中最老壽年八十乃卒濂字子約初授工部主事母喪除起故官典惜薪廠

賈人偽增數罔利濂按其罪賈人女為尙書文明妾明召濂切責之濂抗言曰公掌邦政縱奸人干紀又欲奪郎官法守邪明為斂容謝大計謫河南布政司理問終興化同知濂兄弟與黃魯曾省曾為中表兄弟文藻亦相似明史陸師道字子傳吳縣人弱冠舉嘉靖辛卯鄉試戊戌成進士大傳李時閱師道卷絕賞之稱其文章賈董筆法鍾王已擬第一而首揆欲識之使人邀致弗往遂置二甲授工部主事改禮部儀制司首揆必欲羅致門下師道弗屑以母老乞歸時年未三十也歸凡十四年養母備至撫同母弟極其友愛母卒以孝廉聞使者交薦之又十年起祠祭司郎中道遷尙寶

少卿嘗一奉使陝西遍歷關中形勝秦王習聞師道名饗以厚幣謝弗納還署司篆復請告歸尋病瘵六年年六十四卒師道長身玉立美鬚眉仕宦垂四十年立朝不滿一考初告歸時師事文徵明刻意為文章書畫皆入能品人謂徵明四絕不減趙孟頫而師道並傳之其風尚亦略相似居平不妄交遊長吏罕識其面奉詔起久之不能治裝鬻其居以往歸遂無一椽所著有五湖集子士仁敦朴有古風名賢紀參明史

金世龍字孟陽長洲人嘉靖辛丑成進士授嚴州府推官歸乘車張蓋持蓋者誤觸諸生即下車引咎自此終身不乘車秩滿遷大理評事陞四川僉事貴州參議湖廣副使所在以廉

謹聞自謂早登第有官守不得精研六經之旨因乞致仕歸
歸而家無一椽下榻蕭寺閉戶攻苦不交一客考索經文與
旨而精思之窮日夜不厭日食糕一二片腐湯一杯而已給
事蒼頭都無一人蕭然如苦行僧有邑宰不知其名責以踐
更卽倩人往役宰後聞之慚亟叩門請罪弗應也郡守王公
雅慕其名三造請其廬曰是不可爲泄柳矣開戶入守索衣
冠不得假於人始出迎語及刑政得失壘壘中窾王退而歎
曰吾始慕金先生清德足爲鴻羽不知其經緯條暢又龍變
如此年八十四乃歿歿時謂其子曰吾雖貧平生不假人一
錢惟張幼於書一篋讀覽未遍猶在牀頭可亟返之所著有

六經字原三十卷又有預約以教子孫皆真實語

名賢紀參
王志堅傳

劉鳳字子威長洲人文恭公鉉族孫生時母夢白鳳集於房故
以爲名登嘉靖甲辰進士授中書舍人選御史中考功法從
謫籍沿牒至廣東僉事又補河南僉事被論歸遂一意著述
終其身年八十四其文頗奧勁自爲一家晚好禪旨自云悔
其宿習有文集吳中先賢讚吳釋傳先賢讚持論時乖又紀
事多訛謬人弗謂然也

王志堅
府志稿

孫樓字子虛常熟人舟之孫嘉靖丙午舉人選湖州府推官有
文學爲吏非其好也然公廉嘗攝郡政捕論璿璉村巨盜一
郡帖服改漢中遂致仕歸性好書杜門校讐晝夜不輟所藏

踰萬卷略無脫訛燕集諧謔四坐盡傾或以滑稽寓之文章爲古文詞法歐蘇而不竟其才所著詩文及吳音奇字行於

世龔志

瞿景淳字師道常熟人八歲能屬文久困諸生間教授里中自給嘉靖二十三年舉會試第一殿試第二授編修鄭王厚烷以言事廢徙鳳陽景淳奉敕封其子載堉爲世子攝國事世子內懼贖重幣景淳卻之時恭順侯吳繼爵爲正使已受幣慚景淳亦謝不納旣而語景淳曰上遣使密訶狀微公吾幾中法滿九載遷侍讀請急歸江南久苦倭總督胡宗憲師未捷景淳還京謁大學士嚴嵩嵩語之曰倭旦夕且平胡總督

才足辦南中人短之何也景淳正色曰相公遙度之耳景淳自南來目覩倭患胡君坐擁師十萬南中人不得安枕臥相公不欲聞誰爲言者嵩愕然謝之歷侍讀學士掌院事改太常卿領南京祭酒事就遷吏部右侍郎隆慶元年召爲禮部左侍郎用總校永樂大典勞兼翰林院學士支二品俸侍經筵修嘉靖實錄疾作累疏乞骸骨踰年卒贈禮部尙書諡文懿爲編修時典制誥錦衣陸炳先後四妻欲封最後者屬景淳換詞不可介嚴嵩爲請亦不應橐金以投卒笑謝之子汝稷汝說汝稷字元立好學工屬文以蔭補官三遷刑部主事扶溝知縣扶宗人神宗令予重比汝稷曰是微服至邑庭官

自扶扶溝民耳讞上竟得釋歷黃州知府徙邵武再守辰州
 承順土司彭元錦助其弟保靖土司象坤與酉陽冉御龍相
 仇殺汝稷馳檄元錦解兵去三土司皆安尋遷長蘆鹽運使
 以太僕少卿致仕尋卒縣志汝稷性嗜宗門書撮其要旨為指月錄汝說字星卿
 五歲而孤搆文成輒跪薦父木主前萬曆中舉進士官至湖
 廣提學僉事亦以剛正聞初為營繕主事都水員外郎工曹
 日與宦者相接而商賈緣為姦利是時營辦百端汝說條理
 精密動引故事為据羣閹日爭於前終無所假借所省以億
 萬計又考百年間供億盈縮之數彙而成書至今賴之督學
 政時所進退士雖有勢如山不可撓所著有皇明臣略百卷

子式耜別有傳明史

邵圭潔字伯如世居虞山北麓學者稱北虞先生瞿景淳嚴訥
 輩結社會文時稱十傑圭潔為領袖孫樓其高弟也工制舉
 業策論尤工練詩文不斤斤繩削而清婉淒切參軌名家嘉
 靖己酉舉於鄉五上公車不第選德清教諭卒為人篤行孝
 弟留心經濟倭亂邑令王鈇造廬問計上築城四策城賴以
 全所著有北虞集若干卷子鏊字麟武萬曆丙戌進士仕至

兵部郎中舊志

袁尊尼字魯望表之子生而警穎五歲授書十歲諸經悉通既
 工舉子業益讀子史百家言於詩喜眉山於文喜潛溪務以

詳贍爲則嘉靖乙丑成進士授刑部主事改南禮部歷南吏部考功郎擢山東提學副使與巡撫不合遂乞致仕初高拱爲褻所取士尊尼在刑部拱數託草青詞尊尼心惡之遂乞南拱謂有意遠之不能平世宗崩尊尼以進香至都僅以朝堂一見不交一言比拱最起兼握銓柄尊尼益畏自匿而拱忽擢以督學論者謂尊尼正而拱厚皆近古云尊尼性和易坦亮晚忽躁恚未幾卒年僅五十二所著詩文十卷禮記集

說正訛百篇

王志堅府志稿

顧夢川字禹祥崑山人御史潛之子夢圭弟性磊落好讀書父潛愛其該達悉以所藏書相與品敘甲乙羅列於堂夢川擁

之而坐常取大白置兩楹間客至則沃之相與揚推古今兼訂訛謬焚膏繼晷未嘗少倦晚歲貢入太學益復棲心元理寄興淡漠旣歿門人私謚淳靖先生子允懋允烈終身不異財以孝友稱

張大復傳

彭年字孔嘉長洲人父昉正德辛未進士知新會縣以不阿上官去家益落年性穎異嗜讀書所讀多六經諸子史兩漢古今石言而不喜習舉子業爲文章工詳腴尤長記傳頌誄詩宗盛唐旁及香山郢州精法書宗顏歐知府王庭薦年孝廉上提學徵入府學而歲廩之已又檄應鄉試之南都登鍾山望大江而返卒不請廩曰是天下所養士以需異日用者吾

安得食之無何竟請於後御史以免所交皆賢豪長者然不肯一言干乞餽遺雖升斗粟非文字交峻辭若免卒以貧死卒之前能預爲日至日炷香以測晷且盡日未也更炷至半

曰是矣遂倏然而逝

王世貞誌姑蘇名賢小紀合纂

錢穀字叔寶吳人少孤貧失學迨壯始知讀書家無典籍游文徵明門日取架上書讀之以其餘功點染水墨得沈氏之法晚葺故廬讀書其中聞有異書雖病必強起匍匐借觀手自抄寫幾於充棟窮日夜校勘至老不衰嘗編讀吳都文粹若干卷性勁直不能容人一介不苟焚香洗硯悠然自得有吳中先民之風子允治字功甫貧而好學酷似其父年八十餘

隆冬病瘍映日抄書薄莫不止歿無子遺書皆散去自是吳

中文獻無可訪問先輩讀書種子絕矣

舊志

鄭若庸字仲伯崑山人年十六爲諸生三試皆首連入棘闈不售隱支硎山殫精古文詞趙康王聞其名三聘乃起禮以上賓鄴人士徵屬文者無虛日學士程敏政以纁帛迎至都下嚴嵩父子聞其至請見不往又以鏹幣招幡然辭行仍如鄴爲王著書採輟古文奇事累千卷名曰類雋康王薨去趙居清源年八十餘卒生平所著記志傳序下至樂府稗官小說

蟲魚傳奇等書甚多止刊布其一曰蛭蟪

詹元象傳參通志

張鳳翼字伯起長洲人曾祖景字景春好讀書著吳中人物志

祖準以心計起家父冲賈而俠皆有聞於時鳳翼生五齡猶不言一日見大父掃除遽謂姆汝當代掃聞者異之稍長日益開敏補諸生已入太學皆屈其曹嘉靖甲子舉於鄉泗上春官報罷遂棄去讀書養母杜門不出以終其身家本素封以不重生產日落乃鬻書自給性至孝童子時父怒捽其髮遽曰徐之是有簪末銳懼傷大人手父意遂解母年九十餘卒鳳翼年七十一鬚髮一夕盡白卒年八十七所著有處實堂前後集文選纂註等書初鳳翼與弟獻翼燕翼竝有才名吳人以比皇甫氏兄弟曰前有四皇後有三張獻翼字幼於一名枚年十六以詩贄文徵明徵明語其徒陸子傳曰吾

與子俱弗如也入貲爲國學生祭酒姜寶停車造門歸而與皇甫汭黃姬水徐緯刻意爲詩於是三張之名獨獻翼籍甚獻翼好易十年中箋註凡三易好游大人狎聲妓以通隱自擬晚年與王穉登爭名不能勝頽然自放與所善張生孝資行越禮任誕之事年七十餘攜妓居荒圃中盜踰垣殺之燕

翼字叔貽亦有文與鳳翼同舉於鄉早卒

王志堅稿

王叔承字承父自號崑崙山人吳江人少孤受博士業以好古謝去貧贅婦家爲婦翁所逐不予一錢乃攜婦歸奉母貧益甚所善商生爲叔承謀曰吾聞趙王賢而好客謝榛鄭若庸皆在盍往游乎乃與俱之鄴至則問知王雖好客客見必蒲

伏稱主臣叔承弗屑也會生病死葬之銅雀臺下因北入京師客大學士李春芳所使草應制祝釐之作叔承謝弗能第爲草游仙數章上覽而異之於是春芳大喜延之直所得縱觀西苑南內之勝作漢宮數十曲流聞禁中而以其間與范應期顧養謙陳以忠胡濬輩定交於公車叔承皆弟畜之相與悲歌縱酒久之乃謝歸縱遊吳越名山水作吳越游編入閩作荔子編過楚作楚遊編養謙開府漁陽要之塞上作嶽遊編而歸遂不復出卒年六十五叔承飲可一石有古人之誼濬以直諫死叔承慟哭經紀其喪且振業其二子太倉王錫爵亦布衣交也再召會有三王並封之議叔承遺書數千

言謂當引大義以去就力爭不當依違兩端負主恩辜物望錫爵亦歎服焉其詩豪宕莽蒼天才爛發最爲王世貞兄弟

所推云

松陵文獻

王逢年字舜華初名治字明佐崑山人司業同祖之子少爲諸生試經義多入古文奇字爲有司所黜往謁袁煒於政府煒以故人子厚遇之令草應制文字有所更竄退而上書曰閣下以時文取科以青詞拜相惡知天下有古文哉不辭而去煒遣騎追之不得及渡淮困於旅人淮陰人魯道者少從李夢陽學詩徒步追逢年於逆旅資之以歸輯其詩曰海岱集王世貞序之盛相推挹逢年顧時時指摘王李詩嗤爲俗調

世貞怒而排之逢年益自負作五敵詩謂慢世敵稻康綴文敵馬遷賦詩敵阮籍述騷敵屈宋書法敵二王著書一編曰天祿閣外史妄男子輯東漢文誤入之益自負以爲當吾世得追配古人也年七十五無疾端居取所書金剛經捧持而

逝

舊志

俞允文字質甫一字仲蔚崑山人父璋登正德辛未進士終南
京大理評事允文十二而孤家貧奉其祖母及母以孝聞十
五爲馬鞍山賦援据該博長老皆推遜之十七補郡諸生好
讀書時爲詩歌及古文詞而不樂舉子業又善病遂一意隱
居邑人歸子建嘗以其作示吳中英中英答書曰所示詩文

得非俞君質甫之作乎近歲吾崑古學幾熄響矣將來振起
者其在斯人歟後張寰偕之謁文待詔及赴茗上詩社所至
推爲上客王弇州意不可一世獨折節友之列諸廣五子之
首其同志號稱七子者聞其名皆願與之交允文名由是日
起部使者與郡邑諸公道崑必禮其廬而允文益謙慎自牧
終歲不至公庭有不可已者僅於舟中一報謝而已楚藩以
修書聘郡守以修志聘皆辭以疾晚節詞翰尤工乞者踵接
於門都穆曰崑山有三絕允文詞歸有光文張鴻舉業也卒
年六十七有集若干卷

王志堅傳
參通志

薛學敏字君叔崑山人工文善書與俞允文梁辰魚切劘晚益

工詩王世貞謂讀之如遊輞川清月映郭淪漣上下同時夏
暉字士炎王庚字于載俱以詩文名有城南倡和稿通志

張應武字茂仁崑山人福建副使情之子從歸有光游上窮六

經下鈎諸史抵掌論古今人物山川阨塞兵農戰守之事皆
若身在其間料當世事無所凝滯自負其才以爲食貨可足
邊陲可安伊洛關閩之書無所不觀而獨不好其言以爲非
儒者所以經世之具嘗慨三吳水利不修操小艇出沒太湖
吳淞間著水利論三篇一時公卿咸與商榷所著述甚富王

堅傳

張士淪字心父崑山人祖寬宏治乙丑進士歷廣東僉事父廷

臣字元忠嘉靖戊子舉人詩文爲王世貞所稱士淪父歿後
被誣至構訟傾其家已又罹重役困甚遂去之留都僦屋以
居少工詞賦以作者自命於是賦樂貧又賦樂元詞旨悽惋
讀者悉之留曹有知其才者爲買田以贍焉士淪益折節讀
書敷文析理無虛晷每一篇出觀者無不傾心時從名雋放
浪山水間忘其身之困也遭母喪益自傷邁疾卒年四十七
所著有張心父集國朝文纂王

志堅傳

陳敬純字吉甫崑山人負氣敢言能爲淹博藻贍之詞名聞四
方學者爭來請益敬純援證今古千言俱下令人應接不給
浮沉黌校幾三十年隆慶初貢入太學張居正作拱日樓成

有客請敬純賦之署客名以進居正訝曰故有五經庫其人耶客以敬純對居正諷選人以翰林孔目相處而敬純謁選時衣紗衣偃蹇堂下遂授儀封主簿又以傲睨諸監司免歸

張大復傳

張元凱字左虞吳縣人以世弁管蘇州衛事再督漕北上有功不得敘自免歸元凱少受毛詩折節讀書既膺世爵冀立功名卒不得一當游於酒人以自放善王世貞兄弟世貞序其詩以沈慶之曹景宗比元凱不屑也歿後世貞曝書得其行卷歎知之未盡爲詩一章醉之有伐檀詩十二卷子孟孺亦

能詩舊志

袁一虬字汝化吳縣人洪愈兄子隆慶戊辰進士授荆門知州陞東昌府同知丁內外艱補嚴州入爲刑部員外郎歷郎中擢廣西副使進浙江參政乞休歸一虬爲人坦夷直亮於人世機變仕路谿徑直夢想所不到遭回一官至三十年顧憲成爲選郎念洪愈故稍以浙藩優之一虬初未識憲成也通籍五十餘年田不盈二頃其清介不減洪愈然不自表暴又性乏文采交游益寡雖同里亦鮮知之者家居二十五年手不釋卷所著有周易古本學易井觀讀詩錄老莊輯注列子節文娛老編綱目考正佚游錄詩選補四高士集唐詩折衷

歸田錄諸書晚喜讀內典卒年八十二

王志堅府志稿

沈位字道立吳江人漢孫嘉靖甲子舉鄉試第一隆慶戊辰成
進士選庶吉士授檢討赴京爲漕卒所傷卒於道位居家善
事後母與弟倬友愛調族贍友不蓄餘資早與唐順之茅坤
游工古文詞惜天促之年未見其止

舊府志參朱鶴齡松陵文徵

徐應雷字聲遠吳縣人生兩月而孤母石教之八歲能詩嘗作
寶劍篇有奇語稍長好讀書獨不喜爲舉子業強習之終不
樂爲諸生不久卽棄去益發攄爲古文詞性篤孝年踰四十
母必名呼之唯諾如嬰兒母病終夕不寢禮大士至千餘拜
不休家素貧無以爲養應侍郎韓世能徐顯卿之聘爲書記
二公事之甚莊母歿自矢曰向直爲親屈耳今而後雖三日

絕糧宰相致千金之聘吾弗顧矣應雷有逸才文章欲自成
一家然其入門不出嘉隆諸公鑪冶晚遂欲以大言駕其上
論者弗謂然也若其人可謂君子矣生平交友同邑惟周鄰
孔陸嘉觀四方之友惟王在公丁元薦等年六十卒有白毫
集行於世鄰孔字我遺初師王敬臣攻舉子業年三十無知
者有顯者憐之爲屬當事者強之試鄰孔潛遁去已而游燕
中與應雷等結交歸久之忽爲僧游海上還尋坐逝於祖塋
之旁嘉觀字彥先采之孫也少工詩三十舉一子而殤不勝
悲愴盡燒筆硯託酒人自豪其詩多情致但不能作長篇所

著曰酒民集

王志堅府志稿

魏學禮字季朗吳縣人世居閭門為諸生才名籍甚劉鳳以博學自負一見心折敦禮為子弟師與其倡酬合刻其詩曰比玉集有句云萬里彤雲江鴈後千家玉笛隴梅前王世貞見而歎曰騷壇上何可無此君萬曆乙亥以歲貢除鎮江府學訓導御史邢侗按吳薦於朝遷國子學正詔刻十三經註疏委以校讐陞廣平府同知歲儉飢民揭竿起學禮慰解即散鄰郡有冤獄不決屬學禮一訊得其情署府篆者再無纖毫染指當事有私人賊敗囑之曲庇學禮不從遂嗾巡撫劾罷歸而故居已售無棲止依徐顯卿僑居宜興年七十八卒

舊志
參通

徐漢稚字穀梁常熟人擅詩名嘗在松江莫是龍座賦詩客皆傾倒同邑李莠字永錫孫袖字遂初俱積學工詩為名流所重又有陸昞者少從文徵明遊書畫得其遺意亦能詩

通志

沈本初字大中崑山人杜門耽詩有韋孟風小楷倣顏真卿時稱二絕

通志

傅遜字士凱嘉定人徙崑山萬厯間以歲薦為崑縣訓導授建昌教諭選傅河南王以歸遜長八尺偉儀觀喜談當世之務少師事歸有光嘗以左傳體本編年而紀載繁博讀者急不得其要領乃仿袁氏紀事本末為一書以事為主首王室次霸國以類相從顛委頭緒開卷瞭然讀者便之又以杜註時

有未當爲之辨其訛謬名曰左傳屬事行於世時同邑陳可言字以忠撰春秋經傳類事三十六卷與遜書相似而遜獨

傳

王志堅傳參張大復傳

吳橋字子東世居洞庭東山之白沙嘉靖間以能詩名姑蘇皇甫泂婁東王世貞世懋咸推重之弟相字子輔邑諸生究心理學排斥二氏慨世之居喪者信浮屠而不循古禮著喪葬祭雜儀三卷以救其失與兄橋分擅詩禮之長

吳門補乘

俞安期字羨長吳江人徙陽羨老於金陵巨目曷鼻魁顏長身狀貌如河北僮父與之談野衡抵掌意氣勃如也少客於龍君揚受國士之遇君揚被譴入楚慰之遣戍永安又入豫章

送之與楚人丁元甫爲意氣之交元甫歿厚遇其子海內歸義焉嘗爲長律百五十韻投王世貞世貞爲之傾倒先是邑中王叔承以布衣游公卿間名籍甚安期後起名遂相亞叔承雖好山水然守母遺訓未嘗遠游安期一出十年周覽五嶽所至觴酌流行絲竹並奏酒酣坐嘯聽者皆歎其有鸞龍之音又多技能好相人宅冢沾沾自喜有粲粲集數十卷子南史字無殊亦工詩和雅冲澹類其爲人

松陵文獻參詩傳

徐桂字茂吳長洲人萬曆丁丑進士除袁州府推官恃才自放坐計吏免歸以詩名吳越間尤工詠物艷體之作

通志

管一德字士恒常熟人孤苦力學有聞於時萬曆辛卯舉鄉試

第二中丞顧益卿家居與一德談禦倭方略一德謂今國家之患恐不在倭河道尙書楊後山與談治河一德謂古來治河無百年之計而持文墨議論者往往計成敗於歲月今明公雖有端緒第恐數年間河徙不常而議論者復持其後矣屢上春官不第退而修常熟文獻志凡四年而成又著世家考瀝陽集經傳子史參同四書閱覽詩經閱覽等書舊志吳默字因之吳江人兄之勇以經學名默獨好靜悟讀書古寺每循几夜行明發復危坐萬曆二十年會試第一授兵部主事歷禮部郎中遷尙寶司丞進少卿舊制璽卿班在詞臣前已漸失其初默毅然建議復之改通政司參議歷左通政擢

太僕寺卿以病免崇禎中卒年八十七默立朝最淺遷除皆不赴職然時論高之每會推必首及云初吳江知縣劉時俊以漕卒鼓譟爲淮撫李三才所劾默方官尙寶素聞時俊賢爲訟言於朝吏部尙書孫瑋竟用默議僅奪時俊俸二月而默卒不令時俊知也晚徙家吳門是時縉紳文震孟姚希孟舉人朱陞宣張世偉楊廷樞輩並以文章氣節重鄉里默恒爲之首巡撫以下時造請其門民間利病知無不言然性褊急不能容人之短以疑出其繼妻筆其子至死議者亦以此

疵之

松陵文獻
葉志合纂

顧雲鴻字朗仲常熟人中萬曆庚子鄉試年甫強仕而卒雲鴻

少喪父拊心嘔血終身抱怔忡之疾事後母至孝雲鴻病後
母籲天請代後雲鴻死旬月以哀卒後母之殉其子古未有
也讀書虞山之藤溪博學深思研精六籍句字少有牴牾穿
穴古今訓故證明而後已生平耿介絕俗而急公赴義不顧
頭目以忠孝名節爲己任丁未鎖院對策至天災民窮淚簌
簌下沾漬楮筆嘗語所知大丈夫殺身取義當轟轟烈烈如
疾雷閃電公等暖姝自好他日縱遇難死節不過作文文山
謝疊山耳江陰繆昌期長洲文震孟皆嚴事之曰朗仲吾師
也學者私謚孝毅先生同時邵濂字茂齊治毛詩爲人師善
談名理吳越間學者宗之累舉不第病消渴死

舊志

莊元臣字忠甫吳江人萬曆三十二年進士授中書舍人尋卒
元臣學無所不窺喜談經濟每閱一書必劈肌解族扼要鉤
元其爲古文辭經營極苦會意所至千言立就因爲文論以
明古今作者之得失所著有叔苴子覺參符三才考略金石
謨鳳閣草時務策凡數百卷兄憲臣字昆明亦博雅士也

文獻

松陵

王志堅字弱生崑山人臨亨子萬曆三十八年進士授南京兵
部主事遷員外郎郎中暇日要同舍郎爲讀史社誦讀史商
語遷貴州提學僉事不赴乞侍養歸天啓二年起督浙江驛
傳奔母喪歸崇禎四年復以僉事督湖廣學政禮部推爲學

政第一六年卒於官志堅少與李流芳同學爲詩文法唐宋名家通籍後卜居吳門古南園杜門卻掃肆力讀書先經後史先史後子集其讀經先箋疏而後辨論讀史先證據而後發明讀子則謂唐宋而後無子當取說家之有裨經史者補之讀集則定秦漢以後古文爲五編考覈唐宋碑志援史傳據雜說以參覈其事之同異文之純駁其於內典亦深辨性相之宗作詩甚富自選止七十餘首明史弟志長字平仲崇禎庚午舉於鄉篤志經學尤精三禮毛詩嘗曰周禮儀禮文義古奧真聖人之書若禮記僅堪爲二禮疏解耳乃刪二禮註疏採漢以後諸儒之說翼之名曰註疏刪翼其學詩也宗毛

鄭略朱註於說詩之書搜羅殆盡稿凡四易他所纂輯甚多志慶字與游天啓丁卯舉於鄉三上公車不第詔舉賢良當事以名聞辭病不赴葺東郊墓傍丙園作終老計生平癖好讀書晝夜有課所著有慎爾堂及丙園詩文稿其讀史所著尤多性孝友居喪哀毀三年不御酒肉事兩兄篤敬終身無

間縣志

俞琬綸字君宣長洲人萬曆癸丑進士授西安知縣卒年僅四十三琬綸性疎簡有高韻與同里陳元素最善過從無虛日書出入晉唐詩文亦推名家所著有自娛集續名賢小紀

宋奎光字培巖常熟人萬曆壬子舉人能詩古文詞工書法謁

遷龍川知縣調浙江寧海縣為方孝孺立祠以表忠節歸田後家益貧賦詩不輟年八十七卒通志

張大復字元長崑山人父維翰少即訓以經史漢魏唐宋諸家故大復學有源本其為文空明豁宕極其意之所至而一規於法於是名聲日起問字者常滿戶外名公鉅卿爭相延致父歿哀毀過當兩日喪明人咸惜之然性好讀書不以盲廢時或垂簾暝坐服習其已讀之書有不屬即令嗣子桐雒誦於側所著有梅花草堂集崑山人物傳縣志

陳元素字古白長洲諸生早負才名萬厯丙午鄉試卷已擬解首同鄉司提調者以小嫌厄之竟落去元素以義命自安無

幾微見於顏色一時名輩多從之游能詩文尤善臨池楷書

法歐陽行草入二王之室兼善畫蘭寸縑尺牘人爭寶之歿

後同志私謚貞文先生陸世廉傳

張丑字青甫崑山人副使情之孫父應文字茂實博綜古今與

王世貞相善自嘉定徙居長洲丑少習舉子業不售遂潛心

古文辭二十年杜門不出博覽子史尤嗜太史公書考訂諸

家之註正其譌謬越十年乃成名其堂曰鐫史又纂名山藏

注杜子美集晚好法書名畫搜討古今上自秦漢下及當代

為清河書畫舫十二卷鑒古家皆服其精詳云文構青檀雜志

顧同應字仲從崑山人紹芳子生十歲而孤哀毀如成人長而

穎敏好學精舉子業工詩文為諸生七試不售兩中副榜以

父日講恩蔭補國子生尋卒年四十三同應性濶達家雖貧

好施與卒之日戚友哭之幾於罷市所著有藥房秋嘯等集

長子細字遐篆天才俊逸好談經濟崇禎癸酉舉於鄉年未

四十卒王志堅傳陳濟生啓禎遺詩傳

龔埏字季宏崑山人所居僅蔽風雨下帷讀書兼工行草其書

每借之人作行草謝之抉奧摘微號稱博雅著書數萬言性

挺遂急人之難人尤高其義通志

文肇祉字基聖府志藝文志號雁峯長洲人徵明孫父彭國子

博士肇祉少為太學生選授上林苑錄事嘗築海湧山莊於

便山橋南鑿地及泉池成而塔影見因更名塔影園留心虎

邱故實萬厯中寺僧正華請撰山志乃博考載籍成圖志一

卷續集五卷世稱雁門本是也著錄事集王穉登序之吳門補乘

錢希言字簡栖常熟人博覽好學刻意為聲詩王百穀見其詩

曰後來第一流也薄游浙東荆南豫章屠長卿湯若士諸公

皆稱之然恃才負氣人爭避之卒以窮死所著書曰松樞十

九山又撰劔筴遼志書多散佚舊志

馮復京字嗣宗常熟人御史玘之元孫強學廣記少業詩鈞貫

箋疏著六家詩名物疏六十卷謂冠昏喪祭不當抗家禮於

會典作遵制家禮四卷羅舊聞述先德作常熟先賢事略十

卷族譜四卷年四十餘始見實錄謂通記詳而野吾學裁而
疏弁山炫博妄而謬憲章典則自鄙無譏作編年書駁正得
失曰明右史略草創未就卒長子舒字已蒼幼承家學肆力
經史百家尤邃於詩萬厯間詩道廢壞舒搜討遺佚編削譌
謬疏通證明爲馮氏一家之學平生直腸快口遇事敢爲小
人嫉之如讐順治初構釁於邑令瞿四達指所著懷舊集爲
謗訕曲殺之次子班自有傳

舊志

瞿純仁字元初常熟人參政莊八世孫築室拂水巖下與一時
名士瞿汝說顧雲鴻邵濂輩讀書其中拂水文社遂甲吳下
純仁狀貌豐偉如河朔倉父而所爲文鮮妍妙麗如時花美

女終不得志以死

墓誌

潘一桂字無隱一字木公吳江人父以賈僑居京口一桂少有
詩名爲諸生與鎮江章詔相引重念賦學衰廢乃杜門擬議
與友人錢元密緯以閎博相砥礪作東征昌言諸賦爲時所
稱二十餘歸故里與卜舜年同學諷習楚辭其結撰愈工焉
性嚴整非義不動崇禎五年唐世孫好詞賦延四方賓客起
高明樓擬於鴈池兔園以書幣相招再三辭之後遊襄陽世
孫已立爲王遣使迎接不絕於道一桂不得已乃往授簡賦
詩雍容應教居留一月稱疾辭歸明年王廢同時在園中者
皆株累坐法一桂獨以見幾得免卒年四十五有文集六卷

古韻通考二十卷舜年字孟碩盛澤人有雋才又莊培字端甫亦能詩與舜年倡和最富

舊志

陳宗之字玉立長洲人祖光祖父繼華皆舉人宗之攻苦力學崇禎癸酉以春秋舉於鄉癸未會試中乙榜授推官以親老辭歸性端方沉篤邃於古學博洽多聞詩文無纖靡之習所著有持論十集古樂府存匏園賦草山志鷗吟雪籟吳鈴等

書

舊府志

葛一龍字震甫洞庭人山中多富室習爲行賈而一龍以讀書好古破其屋入貲爲郎冀得一命以慰其母人欠選人困無資地范景文典選事識其名異而問之曰得非吳下詩人葛

震甫人呼爲葛髯者邪乃得就選除雲南布政司理問居無何謝病歸卒初洞庭蔡羽爲清綺之詞自異於文祝諸人以爲獨絕一龍悅之刊落翦刻欲追配之於百年之上已而年漸長筆漸放楚人譚元春之流相與尊舉之浸淫徵逐時時降爲楚調云

舊志

馮夢龍字猶龍吳縣人才情跌宕詩文麗藻尤工經學所著春秋指月衡庫工書爲舉業家正宗崇禎時以貢選壽寧知縣

江南通志

葉紹袁字仲韶吳江人父重第進士仕至貴州僉事紹袁少有藻思工詩賦天啓五年舉進士選南京武學教授遷國子助

教虞衡主事念母在家又耐吏職遂乞終養歸居汾湖之濱與妻沈宜修菽水邀親歡宜修字宛君副使琬女工詩五子三女並有文藻一門之中更相倡和以自娛無何母及妻女相繼歿幽憂憔悴杜門蕭然如枯槁乙酉後棄家入餘杭之徑山薙髮為僧號粟庵輯一時死節諸臣為書未就感愴成疾卒其詩詞韶秀忠君愛國間出香奩有韓偓之遺風焉

幼子熒別有傳

舊志參縣志及通志

周承年字安期吳江人恭肅公用之後少負才名制義詩文倚待立就才器通敏風流宏長禪宮講席西園北里參承錯互詩酒淋漓莫不分身肆應獻酬曲中海內咸以通人口之晚

而扼腕時事講求掌故思以桑榆自奮遭亂坎坷卜居吳中西山未幾而歿所著詩累萬首信筆匠心不以推敲刻鉢為

能

松陵文獻

史元字弱翁吳江人天才雋拔學有根柢與吳易趙渙齊名以古文詞相切劘有東湖倡和集三人者才氣相埒也後易死國難而元與渙俱落魄不偶元留心經濟嘗從水道至京師作河行注一卷鹽筴河漕之要略具焉數游公卿間以策干時無所遇困頓以死詩宗少陵老健無敵古體尤工渙字少

文學行醇謹工五言先易卒

舊志

吳翮字扶九吳江人世居荻塘貌魁碩善談論少負才名喜結

客復社初起翻與同郡張溥楊廷樞等實為領袖家饒於貲
 四方造訪者舟楫蔽荻塘而下客既登堂供具從者或在舟
 中作食煙火五六里相接如此十餘年無倦色温體仁有子
 求入社翻不許幾罹重禍國變後絕意進取杜門著述為詩
 文多直抒胸臆不尚鞏藻所藏明人文集至三千七百家手
 自編輯歲飢出粟煮糜活飢民數百里中德之乙未秋卒年
 四十六所著有升恒堂集十卷弟翻翻俱有才名翻字振六
 有陸石子詩集四卷翻自有傳松陵文獻參復社事實
 何允法字季穆常熟人淮府長史鈞季子少習詩歌古文長而
 學問日成自唐宋以來經世大典如杜鄭馬邱四氏之書攬

撫解剝窮極指要好談三吳水利訪問三江古道及夏周疏
 濬遺蹟窮鄉沮洳扁舟往返嘗遇盜奪襍被忍凍以歸卒年

四十有一舊志

錢安修字方明常熟人為諸生七試皆第一游於張溥之門稱
 高弟子所作詩古文辭堅古峭拔年二十九卒舊府志

毛晉元名鳳苞字子晉常熟人父清以孝弟力田起家楊漣為
 令時擇縣中有幹識者十人每有大役倚以集事清其首也
 晉奮起為儒好古博覽搆汲古閣藏書數萬卷刻十三經十
 七史古今百家書手自讐核行於世為人孝友恭謹與人交
 有終始又好施與推官雷某贈之詩曰行野漁樵皆謝賑入

門僮僕盡鈔書所著有和古今人詩野外詩題跋虞鄉雜記
 隱湖小志海虞古今文苑毛詩名物考宋詞明詩記事明詞
 苑英華僧宏秀集隱秀集國秀集閨秀集共數百卷季子屢
 字斧季精於小學最知名舊府志 參縣志
 許重熙字子洽常熟人上蔡知縣河孫為太學生以史學著當
 世崇禎九年刻五陵注略觸誠意伯劉孔照忌將發難祭酒
 倪元璐爭之因并攻元璐牽連參閱姓氏七十五人俱東林
 指名時溫體仁當國陰主之擬旨推究三上不允而解後周
 延儒復相令所親敦請不往所著有列代通略大臣年表行
 世宋史增定新編綴籬草旅寄軒橐未刻舊志

許元溥字孟宏長洲人父自昌中書舍人以篤行稱構梅花墅
 聚書連屋元溥生而沉靜日出其書遍觀之於經藝罔不淹
 通尤邃於易立高陽社課子弟喜購書自號千卷生崇禎庚
 午舉於鄉不仕卒友人私謚曰孝友舊府志

林雲鳳字若撫長洲人啓禎間以詩名吳中其詩穩順聲勢格
 在中晚間不為一時鍾譚所移年八十餘卒所著有自可編
 及詩談數卷徐晟存友 札小引

孫元凱字若士崑山人與太倉顧夢麟常熟楊彝並以諸生持
 文柄為詩學昌黎古文詞聲响近柳州天性高介史可法開
 禮賢館聘主其事具題予職辭弗受讀書賦詩以終通志

湯傳楹字卿謀吳縣諸生美風姿性高潔才思敏妙詩奇奧似

長吉濃艷傲西崑體古文辭亦縱橫爽邁年二十五值甲申

國變悲憤發病卒妻丁氏哀慟越一宿而絕無子一女適貴

山徐元文所著湘中草友人尤侗刻之以傳尤侗傳

陳裸初名瓚字叔裸後以字行號白寶長洲人熟精離騷文選

工山水一木一石俱得古人意晚遁跡虎邱專於詩著有媿

解集舊志

楊彝字子常常熟唐聖人明萬厯末士之為時文者喜倡新說

畔違傳註彝與太倉顧夢麟思振其弊相與講論辨難力明

先儒之說天下翕然從風稱楊顧學弟子著錄者數百人吳

中名士興復社彝為眉目屢試不遇以歲貢為松江訓導薦

授都昌知縣移疾不往明亡後杜門不出彝性孝友母歿嘔

血數升斷酒食終喪撫孤姪有恩師死獨力殯埋之且為婚

嫁其子終身力學晚歲目盲猶時令人讀書其側為諸生講

說無少倦年七十九卒彝子靜字定夫自少能詩文為諸生

年二十二病卒汪琬楊顧兩先生傳參啓禎遺詩傳

係永祚字子長號雪屋常熟人幼卽貫穿經史為諸生有名譽

門弟子日進所著古文詩賦甚富工書法一時物望如董其

昌鍾惺諸前輩皆稱小友世稱虞山有兩子長常長同音謂

楊彝永祚也崇禎乙亥以選貢授推官弗赴隱居教授從學

者領郡縣每語弟子曰文章事業不從五倫中出者總為無本之學父母歿數年常思哭如孺子身長八尺鬚眉如畫雖居處幽室氣體肅然品行端潔人望之如陳寔王烈也年八十餘卒所著有夜氣箴雪屋詩文集舊志

鄭敷教字士敬長洲人光宙子湛深經術天啓中吳中倡為文社敷教與焉崇禎庚午與同社楊廷樞張溥陳子龍夏允彝同舉應天鄉試是時東南文士統會於吳號為復社敷教生徒之盛亞於廷樞兩人俱為鄉里所宗時人語曰前有朱張後有鄭楊丁丑舉賢良方正以母老辭晚歲隱居教授著述甚富尤深於易詩宗杜陵書法在蘇米間年七十卒門人私

謚貞獻先生同榜舉人陸坦字履常自嘉定徙居郡城有學行與廷樞敷教及許元溥稱吳門四孝廉明末授南豐知縣不赴隱支硎鄧尉間年六十餘以窮餓死通志舊府志元和志新志合纂

朱隗字雲子長洲人治博士業雅尚文藻天啓中吳中復社聚四方積學之士隗與張溥張采楊廷樞楊彝顧夢麟等分主五經馳驅江表為一時蔚顧詩宗中晚唐人稱為徐禎卿唐寅之流亞晚歲當貢隱居不出所著有咫聞齋稿弟陵字望之亦能詩畫江南通志

何光清改名謙貞字聖徵吳縣人崇禎未拔貢生甲申廷試第一莊烈帝批其卷云策齊賈誼之逼鍾王欲以翰林用未

果福王監國補授國子監學正馬士英欲引為私人令人諭
意謙貞白是又一魏忠賢矣辭疾歸逾月大兵渡江南都失
守矣少習禮經歸田後集成禮記說約行世傳子棟見武功
傳

蘇州府志卷第九十九終



